

MOHLAPETŠI,

DI RENG TŠA BOŠEGO?



[Ngwanešu Gene Goad o bala Jesaya 21:1-12—Mor.]

[*Morwalo wa leganata la lewatle. Bjalo ka ge disasedi ka borwa di feta go kgabola; kafao se tla go tšwa leganateng, go tšwa nageng ye e šiušago.*]

[*Ke bontšhitšwe pono ye thata; moradia o dira ka boradia, mošwalalanyi o a šwalalanya. Rotoga, O Elama: rakelela, O Media; Ke dirile metsetlo yohle ya yona go fedišwa.*]

[*Kagona matheka a ka a tletše ka dihlabi: mahloko a ntshwere, bjalo ka mahloko mosadi yo a šokwago: Ke ile ka kudupana go e kweng; ke ile ka nyamišwa go e boneng.*]

[*Pelo ya ka e fegetšwe, poifo e ntšhošitše: bošego bja boipshino o be fetotše poifo go nna.*]

[*Lokiša taſola, šetša mo toreng ya go hlapetša, jang, nwang: tsogang, lena bakgomana, gomme le tlotše kotse.*]

[*Gobane Morena o boletše bjalo go nna, Eya, bea mohlapetši, a nke a kwagatše se a se bonago.*]

[*Gomme o bone koloi le banamelapere ba mmalwa, koloi ya dipokolo, le koloi ya dikamela; gomme o theeleditše ka tlhoaſalo ka tſhekego kudu:*]

[*Gomme o goeleditše, Tau: Morena wa ka, ke ema kgafetšakgafetša godimo ga tora ya tlhapetšo nakong ya mosegare, gomme ke dutše lefelong la ka mašego ka moka:*]

[*Gomme, bonang, koloi ya banna ſe e etla, le banna ba mmalwa ba dipere. Gomme o arabile gomme o rile, Babilonia e wele, e wele; gomme o pšatlagantše diswantšho tſohle tša go tlokwa fase tša badimo gagwe.*]

[*O go šila ga ka, le lehea la lebato la ka: seo ke se kwelego go MORENA wa mašaba, Modimo wa Israele, ke le tſebiſitše.*]

[*Morwalo wa Duma. O mpiditše go tšwa Seira, Mohlapetši, di reng tša bošego? Mohlapetši, di reng tša bošego?*]

[*Mohlapetši o rile, Moso o a tla, gomme gape le bošego: ge o ka botšiša, wena botšiša: bowa, etla.*]

[Lefelo la go se be le selo godimo ga theipi—Mor.]

² Ke a go leboga, Ngwanešu Neville. Gabotse go go bona gape.

³ Moso wo mobotse, go tlelase ya rena ya Beibele mosong wo, bjalo ka ge re rata go le dumediša Leineng la Morena Jesu. Gomme ge ke be ke otlela go theoga tsela feela dinakwana di se kae tša go feta, le lapa la ka, Ke be ke nagana ka batho ba ba tlago ntle kerekeng ka matšatši a go thelela ka mokgwa wo, ge lehlwa le le gohlegohle nageng, go kotsi mo tseleng. Ga ba tle feela go bonwa. Ba ne morero tsoko ka go tleng. Gomme ke thabile kudu go bona sehlopha se mo mosong wo, gore, go le bjalo, “Tumelo ya botatawešo, e sa phela,” e lauma ka dipelong tša banna le basadi mogohle.

⁴ Lentšu le sa tšo balwa ke wa rena Ngwanešu Gene Goad, la tema ya 21 ya Puku ya Jesaya, moo re tla ithutago go tšwa gona, lebakana, gomme morago ra ba le thapelo bakeng sa balwetši. Gomme bjale bakeng sa sehlogo, mosong wo, ke tla rata go tsea go tšwa fale, ya 11 go kgabola temana ya 12: *Mohlapetši, Di Reng Tša Bošego?*

⁵ Gomme pele re tsea go bolela, a re inamišeng dihlogo tša rena feela nakwana ka thapelo.

⁶ Morena Modimo, Wena o Modimo wa botate ba rena. Wena o Modimo Yo a hemilego pele mohemo wa mathomo wa bophelo wo o kilego wa tla lefaseng, gomme o bile le taolo ya bophelo bjo bongwe le bjo bongwe go fihla nako ye ya bjale, gomme o tla ba bakeng sa taolo go ya go ile. Ka gore Wena o Mohlodi wa batho bohole, le dilo tšohle tše di hemago. Wena o Mohlodi.

⁷ Gomme re thabile, mosong wo, go dumela ka dipelong tša rena gore ditshepišo tša Gago ke therešo, ye nngwe le ye nngwe ya tšona. Gomme gore ka go ditshepišo tše, O boletše gore e ka ba kae ba babedi goba ba bararo ba kgobokanego ka Leina la Gago, gore O tla ba ka magareng ga batho ba Gago, le gore O tla araba pitšo ya bona.

⁸ Gomme go ne dipelo tše boima lehono. Ge e sa le go tseneng kerekeng, ke bona bale ba lego godimo ga maako goba dikhote. Gomme ba bangwe ka matsogo a hempe godimo, go tšwa go ditshwaetšo—ditshwaetšo ka matsogong a bona. Gomme ba bangwe, ke kwele, bao ba lahlegetšwego ke baratwa. Gomme, oo, ke lefase la sebe le le lebe! Eupša, go le bjalo, dilo tšohle tše di swanetše go kgonwa ka go Morena Jesu, Yo a re boditšego, gore, “Dilo tšohle di šoma mmogo go iša go tše botse go ba ba ratago Modimo.”

⁹ Gomme re homoditšwe mosong wo, go dumela gore tše dintši tša dilo tše ke go re tliša matolong a rena. Gomme re rata go nagana ka Lengwalo, gore, “Bao ba letelago godimo ga Morena ba tla mpshafatša maatla a bona. Ba tla hlatlogela godimo ka diphego bjalo ka ntšhu. Ba tla kitima gomme ba se lape. Ba tla

sepela gomme ba se tenwe.” Gomme bjalo ka ge moreti a boletše, “Nthute, Morena. Nthute, Morena, mokgwa wa go leta.”

¹⁰ A re, lehono, ge re letile go kwa go tšwa Letagong, le go tšwa molomong wa Mophološi wa rena, ka Moya wo Mokgethwa, gore re tla ka kgotlelelo go kwa Segalontšu sa Gagwe se bolela dilo tša lerato go rena, ka Lentšu la Gagwe, le go bolela tshwarelo bakeng sa dibe tša rena, le phodišo bakeng sa malwetši a rena.

¹¹ Gomme a nke re tlogele tabarenekele ye mosong wo, re hlalala, le go bolela boka bale ba tšwago Emause, “A dipelo tša rena ga se tša swa ka gare ga rena ge A be a bolela le rena tseleng?” Ka gore ka therešo re dumela gore Yena ke Morena yo a tsogilego, bjalo ka ge ba Mo hweditše letšatši lela. Gomme O magareng ga batho. Re ka se lape, dipelo tša rena di ka se gole go tenwa. A re no mpshafatšang tumelo ya rena, iri ye nngwe le ye nngwe, ka go Wena. E fe, Tate.

¹² Re kgopela Wena go šegofatša Lentšu le le ngwadilwego. Le go šegofatša ditsebe tše di tla kwago, le dipounama tše di tla bolelagoo; le go hwetša Letago go Wenamong. Ka gore re rapela ka go la Jesu Leina. Amene.

¹³ Ga a gona wa rena yoo a hlabetšwego kgahlanong le mathata. Modimo ga se a tshepiša go re swarela go tloga go malwetši ohle. Eupša go ngwadilwe, gore, “Maatla a Gagwe a lekanetše, gomme A ka se tsoge a beile bontši kudu godimo ga rena eupša se A tla re fago mogau go se rwala.” Kafao re na le khomotšo yela ya go tseba.

¹⁴ Go kgopolo ya sehlogo feela bjale, bakeng sa dinakwana di se kae, ka se sengwe seo se bonagetše go bewa pelong ya ka diiri di se kae tša go feta: *Mohlapetši, Di Reng Tša Bošego?*

¹⁵ Mohlomongwe e be e ka ba, gare ga tšatšanasobela le leswiswi. Gomme go ka be go bile letšatši la go befa ka toropongkgolo, gobane go be go le tshebotšo e filwego ntle, gore bona, mohlapetši mo torenq, o be a rometše morago lentšu gore o bone kgole lerole le rotoga go tšwa go mabilo a dikoloi. Gomme o kwele go betha ga ditlhako tša dipere, monabo wa kgole.

¹⁶ Eupša ge bahumagadi ba babedi ba baswa ba be ba eme sedibeng, gomme ka go ya bona ya boswa, mengwaga ya boswa, ba bile le bontši go nagana ka yona, ba naganne, go feta se lentšu la mohlapetši yo le bilego. Mohlomongwe le be le sa re bontši kudu go bona, gobane ba be ba no ba ka go khukhušeng ga boswa bja bosadi. Mohlomongwe e be e le ka gobane go be go swanetše go ba phathi bosegong bjoo, gomme bahumagadi ba baswa ba ba nyakile go tsenela phathi ye. Gomme go bonagetše eke tshebotšo ya mohlapetši ba ka se tše khuetšo godimo ga seo ba bilego le boipshino bja bona bja selefase go naganwa bakeng sa bošego bjoo. Kafao ge poledišano e be e eya pele, gomme—gomme mohumagadi yo motee yo moswa o be a tla re go yo mongwe, “A ga se gwa befa kudu, gore, ka letšatšing la rena, gore

re na le mmolayamathabo yo bjalo, yo mongwe yo a ka lekago go—go re tloša go tšwa go menyetla ye re nago le yona, gomme go tloga go mathabo ao re ka kgonago go ipshina?”

¹⁷ Gomme ke a dumela seo se tla no nyakile go sepela le phetolelo ya sebjalebjale ya lehono, gore batho ba leka go nagana gore ge o leka go phafoga le go ba sebotša ka ga go batamela ga dikotsi, gore ba bonala go nagana gore o no ba kgudi tsoko ya kgale, yo mongwe yo a lekago go tsea thabo yohle go tšwa bophelong.

¹⁸ Gomme re be re tla nagana gape ka masogana, ge ba be ba etla go tšwa lefelong la mošomo, le difahlego tša bona di tšhilafetše go tšwa go mošomo woo ba bego ba o thwaletšwe mo letšatsing. Gomme moisa yo mongwe yo moswa a ka no re go yo mongwe, “Ka pela ge re ka kgona go hlapa le go ipeakanya, nthatana, gobaneng, re tla kopana mo thabeneng, bjalo ka mehleng. Ka gore ke na le nnete gore wena, John, ga se wa tshwenyega ka molaetša woo re o kwelego lehono, mohlapetši yola mo toreng, go leka go ntšha thabo yohle ka bophelong, go leka go re botša gore go be go le kotsi ye e batamelago. Eupša, o a tseba, re na le madira a makaonekaone ao a lego gona. Gomme bontši bja masole a ren a ba... kopana bošego bjo bongwe le bjo bongwe ka lefelong la go swana leo re dirago, gomme re ipshina ka kopanelo mmogo, bjalo ka go—go kempola gannyane ga segwera, le dino tše dingwe di se kae. Gomme nna, go nnamong,” o be a tla re, “ke no gana go tšhoga ka e ka ba eng ya dilo tše gore mohlapetši yo o tla bolela ka yona. Ka gore re a dumela ge e be e le e ka ba efe ya dikotsi e batamelago, gore ka nnete borabi ba ren—a ren a ba tla tseba ka se, badiša ba ren a, gomme ba tla be ba re botša ka dilo tše bjalo. Gomme re no se tshwenyega go kwa dikanegelo tše tša go lapiša tša bahlapetši ba godimo ga tora.”

¹⁹ Gomme ge seo e se sona seswantšho sa go ikgetha sa setšhaba sa ren a lehono, gore baswa ba naga ya ren a, gomme e sego baswa feela, eupša batšofe ba naga ya ren a, ba ile bohlanyeng. Gomme ba gana go kwa ditshebotšo. Gomme ka pela ge mohlapetši wa therešo a efa tshebotšo, o balwa bjalo ka lehlanya, lehlanya tsoko.

²⁰ Gomme ge letšatši le golela pele ka bošegong, mohlomongwe lešole mo kgorong, yo a hlaperšago dikgoro, o ba go hloka khutšo gannyane. Gomme o ya godimo go...moagišani wa gagwe wa moletakgoro, le go re, “A o dumela gore go tla ba le sebaka sa go kgonega gore mohlapetši yola o be a rereša?”

²¹ Le a tseba, go na le se sengwe ka ga kotsi, go na le se sengwe ka lehu, seo se bonalago go ba le tshebošopele go sona. Makga a mantši bao baratwa bale feela pele ba feta go kgabaganya go ya lehlakoreng le lengwe, go bonala eke tshebotšo e tla go bona.

²² Ke kgona go nagana ka tate wa ka, pele ga go tloga ga gagwe. O be a tšwele ka Kentucky lebaka la mengwaga ye mentši. Eupša, ka pelapela, se sengwe se bonagetše go sepela godimo ga papa, go ya tlase lefelong la kgale la gae le go bolela le baratwa ba gagwe le bagwera ba gagwe.

²³ Ka morago ga ge a boile morago gae, ngwanaboo, yoo a sa ka go a mmona, o be a seboditšwe ka go tlaa go tla Jeffersonville go mmona. Gomme ge ba sa dutše, ba bolela, papa o fetetše go lefase le lengwe.

²⁴ Ke nagana ka ratswalake. Feela matšatši a se makae pele ga go tloga ga gagwe, o rile, "Billy, a nke wena le nna re ye godimo go tsoma dihlorana, godimo ka godimo ga Utica. Ke no nyaka go ya go lefelop la kgale." Ka mokgwa wo mongwe, ka profenseng ya Modimo, ke be ke sa kgone go ya le yena letšatši leo. Gomme o ile godimo letšatši leo le go tsoma, gomme ge a tlide morago tlase ka peseng, o—o mpoditše, o rile, "Ke be ke dutše godimodimo godimo ga thaba. Yohle e fetogile bjale. Eupša tlasetlase ka khoneng ye itšego ya dithokgwaa, ka Battle Creek, feela ka godimo ga rena," o rile, "go bonagetše eke ke kgona go kwa mme wa ka a bitša, 'Oo, Frankie!'" Bošegong bjoo o file bopaki, ka go mothalo wa bobedi wa kereke ye, go la nngele la ka, a kganyoga dithapelo tša batho bakeng sa gagwe. Gomme matšatši a se makae moragwana, re mmolokile.

²⁵ Go no bonala o ka re Modimo ka mehla o romela motseta pele. Ke go loka ga Gagwe le mogau wa Gagwe, go fa ba therešo ka pelong tshebotšo ya dilo tše di batamelago.

²⁶ Gomme ke thabile kudu gore ka letšatšing le leo bjale re phelago, gore, ge boso le leswiswi godimo ga seatla se sengwe le se sengwe, go bonala go le kholofelo ye e šegofetšego e swere pelo tša batho ba Modimo, gore iri ye nngwe ya letago Jesu o tla fihla.

²⁷ Gomme ka go nako ye kgolo ye ya bothata, ka go toropokgolo ye, setšhaba se seswa ba a le hlokomologa, le batho ba bantši bao ba sa tshwenyegego ka ga se mohlapetši a bego a swanetše go se bolela. Ka nnete, ba be ba le ka thabeneng, ba enwa, gomme phathi e be e kgatlampana. Le mašole ohle a be a enwa. Gomme ba be ba iketlide, ba naganne ba be ba nno bolokega ka mo ba bego ba kgona go ba. "Ga se gona se bego se eya go ba gobatša," gobane gabonolo ba be ba goteditšwe, bjalo ka ge re e bitša, godimo ga meboya ya wisiki le dino tša go tswakwa.

²⁸ Gomme ka pelapela, go tlide dikoloi di tokologela thwi ka toropongkgolo. Gomme mabati a dithabene a šwahlətšwe, le malapa, gomme dihlabani tša go gagara di be di le mošomong, feela ka gobane ba ganne go kwa tshebotšo ya mohlapetši.

²⁹ Gomme mešomo ya mohlapetši, ka Beibeleng ya kgale, e be e le monna yo a bego a hlaotšwe. O swanetše go ba monna yo a phafogetšego mebele ya legodimo. O swanetše go tseba feela tlwa

moo dinaledi di lekeletšego, go bolela nako ye e phethagetšego go batho. Bontši bja balapi, ba tla ya ntle, mohlomongwe, gomme ga se ba kgona go robala, ba sa dudišege, gomme ba tla goeletša godimo go mohlapetši ka toreng, gomme ba tla goeletša mantšu a, “Mohlapeši, di reng tša bošego?”

³⁰ Gomme o be a tla lebelela dinaledi, gomme ka gona o be a tla re, “Ke nako ye *bjalo le bjalo*.”

³¹ Gona ba tla ya morago malaong a bona, goba e ka ba kae ba kgethilego go dula, go leteleng letšatši go tla, ge balapilego, bakgathadi, bošego bja go se dudišege bo tla be bo fetile.

³² Modimo eba le kgaogelo! Ke a makala ge eba ga se nako, lehono, gore ga se re biletše ntle go Mohlapetši yo mogolo wa rena, “Di reng tša bošego?” Go na le kotsi ye e batamelago e etla pele, gomme lefase ka moka le bonala le tekateka ka tlase ga khuetšo ya yona.

³³ Mohlapetši le yena o be a swanetše go ba mošomong, dinako ka tšohle. Gomme o be a swanetše go sebotša batho ka ga dikotsi di batamelago. Woo e be e le mošomo wa gagwe, go hlokomela kotsi ye e batamelago. Gomme o be a le godimo ga tora ye e bego e agilwe godimodimo kudu go feta maboto. Gomme tora ye, o be a na le godimo kua, ka go yona, dipuku tša thutadinaledi, le go ya pele, gore a kgone go šetša dinaledi le go bolela nako. Selo e ka ba sefe se batamelago, sa nako ya letšatši, o be a kgona go se boleta.

³⁴ Gona, gape o kgonne go bona kgolekgole go feta e ka ba mang mo mobung. O kgonne go bona kgojana go feta e ka ba mang mo lebotong, gobane o be a le godimo godingwana. Gomme godingwana o yago, o kgona go bona kgojana. Gomme o ka kgona go bolela dikotsi tše di batamelago, kgolekgole go feta bao ba tlementšwego lefaseng.

³⁵ Gomme bjalo ka Jesaya, mo letšatšing la gagwe, o be a bolela gore Modimo o be a mo dirile mohlapetši. Modimo o swantšha baprofeta ba Gagwe bjalo ka dintšhu.

³⁶ Gomme bjalo ka ge ke be ke fela ke rera ka thuto ya dintšhu, ntšhu ke nonyana ye e ka yago godimodimo go feta nonyana e ka ba efe ye nngwe. Gomme o swanetše go agwa ka go ikgetha bakeng sa ntlha ya bogodimo bjoo a yago ka go bjona. Bjale, sepekwa se ka se tsoge sa mo latela. Ga go nonyana ye nngwe e bego e ka kgona go mo latela. Ke nonyana ye e hlamilwego ya Modimo, gomme o dirilwe bjalo. Ge nonyana ye nngwe e lekile go tsea lefelo la yona, e tla senyega. O swanetše go ba le mafofa a go tia, diphego tše maatla. Gomme ke botse bofe go tla mo dirago go ya godimo ge a be a sa kgona go bona, go ba le mahlo a mabotse go bona? Sepekwa se tla ba sefou godimo kua; ga se sa kgona go bona. Eupša bogodimo ntšhu e namelago, e kgona go bona kgolekgole.

³⁷ Gomme Modimo o swantšha baprofeta ba Gagwe le dintšhu. Ke bona bahlapetši ba ba namelago godinwana, gore ba kgone go bona kgojana. Gomme mahlo a bona a dirilwe semoya gore ba kgone go bona dikotsi tše di batamelago.

³⁸ Gomme Modimo o be a beile Jesaya godimo go sebotša batho gore go be go le kotsi ye e batamelago, gomme ga se ba ke ba mo theetsa.

³⁹ Gomme, lehono, Modimo o sa na le dintšhu, goba batseta, goba banna godimo ga tora, ba ba namelago godimo ka Moya, kgole mošola wa dikgerekere, le mehuta yohle ya dipomo tša athomo, le diphatišo tša saense. O na le banna ba ba hlamilwego ka go ikgetha bakeng sa morero woo, ba ba namelago godimo makalakaleng a Khalibari, ka Leina la Morena Jesu, le go ema ntlhoreng ya sefapano, gomme ba kgonas go romela Molaetsa morago, “O RIALO MORENA.” Pono ya bona ya semoya e kgojana go feta baprista ka tempeleng; kgole bokagodimo ga monna wa mehleng wa mosepelo wa bophelo; ka gore ba hlamilwe ka go ikgetha bakeng sa mešomo ye Modimo a ba bileditšego go yona. Kagona, go a re putsa go hlokomela ge re ekwa ka dilo tše di batamelago.

⁴⁰ Gona ke tla fetola bjale bakeng sa feela nakwana. Gomme ke tla retollela šedi ya lena go Kgoši ya dintšhu tše, goba baprofeta, goba bahlapetšatora. Yoo ke Morena Jesu, ka Boyena. Gomme letšatši le leo re phelago ka go lona e be e le le legolwane kudu go feta letšatši le A bego a le mo, go fihla, ge A be a le thwi ka meriting ya sefapano, O boletše kudu ka go Tla ga Gagwe la bobedi go feta ka mo A dirilego ka go tloga ga Gagwe. Ge ka tlhokomelo le ka puruputša Mangwalo, le tla hwetša gore feela pele ga go tloga ga Gagwe, gore O profetile ka dilo tše di tla diregago mo letšatšing le.

⁴¹ O tsebile gore O swanetše go bapolwa. O tsebile gore O swanetše go tlaisega mo—mo mohlokamolato bakeng sa ba molato. O tsebile gore O tla tsoga gape go tšwa lebitleng, ka letšatši la boraro. O tsebile gore go be go se maatla ao a bego a ka kgonas go Mo swara ka lebitleng, gobane Lentšu la Modimo le be le rile, “Nka se tlogele Yena mokgethwa wa Ka a bona go bola, ebile Nka se tlogele soulo ya Gagwe heleng.” Gomme fao go be go se maatla ao a bego a ka kgonas go thuba seprofeto seo. Lentšu la Gagwe e tla ba therešo, gomme A tla phethagatšwa ka dihleng tša Ona. Gomme O be a na le boitshepo gore, se Tate a bego a se boletše, Tate o be a kgonas go boloka Lentšu la Gagwe.

⁴² Kagona, pelo ya Gagwe ye kgolo yeo e bego e le ka go Yena, e bego e le Terone ya Modimo, ka pelong ya Gagwe O tsebile gore dinako tše kgolo tše tša go leka di tla tla go netefatša ditšhaba tšohle, le go netefatša batho bohle. Kafao, kagona, O tsebile gore potšišo ye kgolo e letše, e sego ge eba O tla tsoga gape, goba ge eba O tla bapolwa go ya ka Mangwalo, goba e sego ge eba O tla

rotogela Godimo, gomme Moya wo Mokgethwa o tla tla. Eupša potšišo e bile, “A go tla ba tumelo ye itšego e šetšego lefaseng mo go Tleng ga Gagwe?” Gomme tumelo e tšwa kae? “Ka go kwa Lentšu la Modimo.” Yeo e be e le potšišo ya Gagwe. “A fao go tla ba tumelo lefaseng ge ke etla?” A O tla hwetša batho ba ba dumelago Lentšu la Gagwe?

⁴³ Bjale ge re, ka letšatšing le re phelago, re ka kgona go phetla ka matlakaleng a Lentšu la Gagwe la go šegofala, le go hwetša tšona dilo tše A di boletšego di tla direga, di batamela lefaseng lehono, maswao le matete a a diragala: “Dipelo tša batho di palelwa ka letšhogo.” Go na le “nako ye bothata le tlalelo magareng ga ditšhaba. Diponagalo tša go tšoša lefaufaung,” boka dipiring tše di fofago, le Pentagon yohle e huduilwe godimo. “Gomme lewatle le a rora, le ditšisinyego tša lefase mafelong a go fapania. Pelo ya batho e a palelwa, ka letšhogo.” Dibetša tše kgolo tša athomo di dutše, di letile. Leutu le lekeletše lefaseng, leo lefase le sego la ke la le hlatsela pele.

⁴⁴ Beke ya go feta ke bile le monyetla wa go bolela le yo mongwe wa bagwera baratwa ba ka le banešu, Mokapotene Julian Stadsklev, yo a ngwadilego puku, *Moprefeta O Etela Afrika*. Gomme Ngwanešu Julian o be a le ka California, yeo bjale a tšeago go tsena sekolo ga gagwe bakeng sa majoro ka sešoleng. Gomme yena . . . Bona, balaodi ba sešole, ba mo išitše tshekong ye kgolo. Gomme ba be ba nyaka lešika la gagwe go fihla ba ile ba swanelia go netefatša ebile gore makgolokhukhu e be e le mang, le histori ya bona le se ba bego ba le, pele a ka dula ka go kopano ye.

⁴⁵ Gomme ge a etla go tšwa kopanong, le go tla godimo ntlhoreng ya thaba mo re bego re dula le bagwera ba bangwe, o kopane le nna ntle kua ka tlase ga mohlare wa mošwana, gomme o rile, “Ngwaněšu Branham, ke selo sa go lapiša kudu se o kilego wa se kwa.” O rile, “Ke ka tlase ga keno ye ntši gore nka se kgone go e bolela, goba nka se kgone go tlogela tshedimošo e ka ba efe,” o rile, “gobane re . . . Ba re tšere ka tlase ga keno ya potego. Eupša,” o rile, “Nka kgona go bolela se. Sešole se ya go goma. Ga ba sa ya go ba le sešole; feela bahlapetši ba se kae tikologong. Ga ba ye go ba le bofofiši. Ga ba ye go—go iša šedi nako ya bona go ageng difofane tša lebelo le go ya pele, ntle le ge e le feela e le tša go šomišwa bakeng sa kgwebo. Ba iša šedi go feela go goga go tee ga seragi. Fao go tla tla phedišomoka ya go felela.”

⁴⁶ O rile, “Ngwaněšu Branham, setšhaba ga se tsebe se diphiri tša dilo tša sešole di lego.” O rile, “Ge baofisiri ba bagolo ba ba boletše ka kamoreng,” o rile, “go tla leutu la go šiiša bjalo godimo ga kamora, go fihlala yo mongwe wa borasaense bagolo ba bona a emeletše, gomme o rile, ‘Ke duma nka kgona go tšeia karikana ya kgale le kgomo, gomme ka otlela morago ga dithaba, gomme ka ipšalela khabetše le dinawa, gomme ka lebala gohle ka yona.’ Oo,” o rile, “go tla ba, ge tshedimošo ye e ka tšwela

ntle setšhabeng, lefase ka moka le tla ya ka tlalelong. Kotsi e a batamela.”

⁴⁷ O rile, “Ba na le... goga bašomedi ba bona bjale go tšwa dihlakahlakeng. Ba goga dikgao tša bona go tšwa Engelane. Gomme ba na le ditšipi tše kgolo tše tona di dutše ntle kua, ka mohuta wa dibetša. Gomme ba no be ba letile bakeng sa sesasedi sa mathomo sa misaele, gomme setšhaba se sengwe le se sengwe se tla lokolla ka nako ya go swana.” O rile, “Go ka se be le kotana e tee ya bjang e šetšego lefaseng, goba thaba e tee eupša ye e tla šikinywago ke leemo la ona. Gomme e ka direga nako e ka ba efe.” Oo, a iri ya leutu!

⁴⁸ Gomme dilo tše tšohle tšeо le kwago ka ga dipiring tša go fofa. Gomme le kwele polelonyakišio le monna yola, ke a nagana, maabane, go seyalemoyang, yo a tteleimago gore o boletše le batho. Ga ke dumе go hlokomologa monna yola, eupša tshepedišo ka moka ya gagwe e kgahlanong le Lentšu. Ga se ya loka. “Gomme go Mars, ga ba ne lehu, gomme ba tla godimo fa go re ruta gore re se be le lehu bjang.” Eupša ge go etla go netefatšo, o be a se ne tshetlana e tee ya netefatšo, yeo a ka kgonago go e netefatša. Feela kgopolو ye nngwe ya nonwane yeo a e thadilego. Gomme, go kgopolو ya ka, ke maaka, gobane Beibele e boletše go fapania le se a se boletše.

⁴⁹ Nka hlagiša se ke naganago ka dipiring tša go fofa. Ga ke dumele gore ke meriti. Ga ke dumele gore ke nonwane. Ke a dumela... Gomme se ga se e dire nnete. E no ba feela kgopolو ya ka. Morena ga se a mpotša se ke se di lego. Eupša, ka go lebelela ka Mangwalong, ka gore Fao ke mo re hwetšago dilo tšohle.

⁵⁰ Jesu o rile, “Bjalo ka ge go bile matšatšing a Sodoma, go tla ba bjalo mo go tleng ga Morwa wa motho.” Gomme pele ga tshenyo ya Sodoma, gomme mollo wa wa le go tšhuma toropokgolo le melala godimo, go bile le Barongwa ba rometšwe go tšwa Legodimong, bao ba lebeletše go gare gomme ba hlokišitše, go hwetša ge eba dilo tše e be e le therešo goba aowa. Gomme a go ka se be feela boka Modimo go romela morago Barongwa ba Gagwe go nyakišiša le go hwetša, feela pele ga ge tshenyego ye kgolo e etla? Gomme a le hlokometše? Go bile le Morongwa yo motee Yo a ttilego, Yo a etetše go mokgalabje yo a dirilego sephetho sa Modimo, gomme ba be ba phela, ba nyatšwa ke lefase, ka tenteng morago leganateng, ka gobane yo mongwe o be a kgethile le go tšeа lehumo lohle la gagwe. Eupša o rile, “Seo se lokile. Ke tla no dula fa ka go thato ya Modimo.”

⁵¹ Bokaone ke be ka go thato ya Modimo go feta go ba le tšhelete yohle lefase le ka kgonago go e neela go lena.

⁵² Gomme ka pela ge sephetho seo sa mafelelo se dirilwe, gona Morongwa wa Morena o tlie go Abraham gomme a re, “Lebelela bohlabela, bodikela, leboa, le borwa. Yohle ke ya gago, Abraham.”

⁵³ Mangwalo a a re botša, “Ba lehlogenolo ke ba boleta: gobane ba tla tsea lefase ya ba kabelo.” E dira phapano efe? Dilo tšohle tša lefase di tla senyega le lefase, eupša Modimo a ka se tsoge a senyega.

⁵⁴ Gomme ke a dumela bjalo ka, ke hlahlwa go dumela, ke gore, ge seswantšho sa Morongwa wa Morena Yo a tlago le go dira go hlatha . . .

⁵⁵ A le hlokometše Morongwa Yo a tliego go Abraham? O be a na le mokokotlo wa Gagwe o šotologetše tente, ge A be a bolela le Abraham, gomme o rile, “Ke ya go boloka tshepišo ya Ka go wena.”

⁵⁶ Oo, a Molaetša wa Morongwa wa Modimo ka go letšatši le, Yo a tla bolokago tshepišo ya Gagwe! Gosedumele gohle ga lefase, mokamaki, basedumelemodimo, le bahlokamodimo, le basedumele, a ka se tsoge a dira Maatla a Modimo go hloka khuetšo. A tla direga feela go swana.

⁵⁷ “Ke tla elelwa tshepišo ya Ka, gomme Ke ya go dira tshepišo ya Ka gabotse.” Gomme Sarah o segile ka tenteng ka morago ga Gagwe.

⁵⁸ Gomme ka mokokotlo wa Gagwe o furalletše tente, O rile, “Gobaneng Sarah a segile?”

⁵⁹ Gomme Sarah a kitimela ntle gomme a re, “Ga se ka sega,” ka baka la gore o be a tšhogile.

⁶⁰ Ke mohuta mang wa Monna yo a bego a le yo? Ke makala gore ke mohuta mang wa Mohlapetši yo a bego a le godimo ga tora nako yeo? “Ke mohuta mang wa bomotho bjo bo nago le rena, ka mokokotlo wa Gagwe o šotologetše go nna, gomme efela o tsebile gore ke segile, ka tenteng?” Elelwang, O be a le Mohlapetši.

⁶¹ Gomme O retologile, gomme O rile, “Ee, o segile.” Gomme o be a tšhogile.

⁶² Bjale, re hlokomela gape, gore ka letšatšing le feela pele ga go Tla ga Morena, Diphedi tše di swanago ke tša go bowa gape. Gomme ke a makala, ge re lebelela go dikologa le go bona tlhago ya Tšona, šetšang se Di se dirago, gomme ke a makala ge eba bontši bja diponagalo tše tša sephiri ga se tlwa se Jesu a rilego se tla direga. “Go tla ba le maswao ka magodimong godimo. Gomme ka lefaseng go tla ba le tlalelo magareng ga ditšhaba, nako ya go tlaba kudu, ditšišinyego tša lefase mafelong a go fapano, gomme banna ba ehwa ka go šitwa ga pelo.” E sego basadi; banna. Basadi ga ba hwe kgafetšakgafetša ka bothata bja pelo. Ke banna. E phethagatša se Jesu a rilego se tla ba. Ke tlwa se A boletšego gore se tla ba.

⁶³ Gomme ka gona ge re be re kgona go ya pele, iri morago ga iri, go baprofeta bohole, ka fao ba profetilego letšatši le. A se be se ka se dire yo motee a goelele ntle, “Mohlapeši, di reng tša bošego?”

⁶⁴ Pentagon ga e na le karabo. United States ga e na le karabo. Jeremeane, Russia, ga go le o tee wa bona a nago le karabo. Saense ga e na karabo.

⁶⁵ Ke mang a nago le karabo? Mohlapetši, yo a lego lebotong, o na le karabo. "Mohlapetši, di reng tša bošego?" Gomme Moya wo Mokgethwa ke Mohlapetši yola yo a dirago batho komana, le go fa tshebotšo go tšwa go Modimo. O beilwe bjalo ka Mohlapetši. Re bona balwetši ba fodišwa, mahlo a foufaditšwego a etla go bulega, ditsebe tša difoaa di thibollwa, digole di sepela, dihlotsa di taboga . . . di taboga bjalo ka tshephetona. Go phethagatša . . . Ke eng? Ke go Tla ga Morena, go gatelela go ya pele.

⁶⁶ Le dilo tše tšohle, le ditshebotšo! Gomme batho ba tšwelapele ba gatelela thwi go ya pele go kgabola diphathi tša bona tša bjala, go fihla dinako tša bona tša bošilo. Gomme ba ithabiša. "Gomme ba a bina, gomme ba a ja, gomme ba a nwa, gomme ba a nyala, gomme ba fiwa mo lenyalong," feela bjalo ka ge Modimo a boletsé e tla ba. Ga go tsela ya go ba thibela.

⁶⁷ Gona ge le ka hlokomela, ka go lebaka le legolo le la kereke, go ya ka Kutollo 3, ka go lebaka le bjale e bile lona le filwego Naledi ya Moso, feela pele ga go Tla.

⁶⁸ Šetšang ka fao Jesaya a bilego go ya ka Lengwalo ge a rile, "Mohlapetši, di reng tša bošego?" O rile, "Moso o a tla, le bošego gape." Eng? Moso o a tla, eupša bošego bo tla pele ga moso. E be e le eng? Yo mongwe le yo mongwe o a tseba gore feela pele ga go hlaba ga letšatši, feela mo diiring tša go batamela ga letšatši, e fetoga leswiswiswi go feta ka fao e kilego ya ba.

⁶⁹ Oo, bagwera ba ka, theetšang O RIALO MORENA. Ge o ntšea go ba mohlanka wa Gagwe, e no ba pele ga go hlaba ga letšatši. Ke ka baka leo leswiswi le la go šiiša le lego godimo ga lefase. E no ba pele ga go Tla ga Morena Jesu. Ga go sa na kholofelo ye e setšego ka go selo eupša go Tla ga Gagwe.

⁷⁰ Ditšhaba di kgahlanong le ditšhaba. Gomme ba tlanketše ka laborating ya Modimo go fihla ba ne maatla go thuthupišana seng go ba molora wa athomo. Gomme ke ba babe, gomme ga ba na le bodumedi, gomme ga ba swane le Kriste. Gomme maikemišetšo a nnoši ba nago, le selo, ke go senya. Gomme ba šušumeditšwe ke morongwa wa go senya yoo a rometšwego go tšwa legodimong go šušumetša banna ba.

⁷¹ A ke re, ka Leina la Morena Jesu, Moya wo Mokgethwa o rometšwe bjalo ka Mohlapetši mo toreng. Gomme ge batho ba goeletša, "Di reng tša bošego?" A o lapile ka bophelo bjo? A o lapile ka sebe? A le lapišitšwe ke melokoloko ya poloko, le malwetši, le gohlokamodimo ka seatleng se sengwe le se sengwe? A bošego e bile bjo botelele le go lapiša? "Di reng tša bošego, Mohlapetši?"

O rile, "Moso o a tla." Le bona khomotšo?

⁷² “Gomme bošego gape bo a tla.” Bošego ke eng? Lebelela ka fao go lego kwanong ye e phethagetšego le Lengwalo, Jesaya o be a le. Ka go tsela ya mehleng ya—ya tlhago, ka mehla gore go batamela ga letšatši go kgoboketša leswiswi mmogo le go go dira boso. Ke leswiswiswi pele ga letšatši go feta nako e ka ba efe ye nngwe mo bošegong. Gobaneng? Ke seetša se se batamela seo se go dirago go goso.

⁷³ Gomme ke go batamela ga Morena Jesu bjale mo go tlišago leswiswi le godimo ga lefase. A ga se A re, “Ge dilo tše di thoma go tla go phethega, emišetšang godimo hlogo ya lena, ka gore topollo ya lena e batamela kgauswi”?

⁷⁴ Palestina ke setšhaba. Bajuda ba boile go tšwa gohlegohle lefaseng, gomme ba beilwe fale go Mmona a etla, bjalo ka ge Modimo a rile ba tla dira. “Ithuteng seswantšho sa mohlare wa mogo, ge o hloga mahlogedi a wona.” O rile, “Go tla ba bjalo gore moloko wo o ka se kgaotše, o ka se sa tlogelwa, eo ka se tsoge wa fela, go fihla dilo tše tšohle di tla dirwa.” Moloko ofe? Moloko wo o bonago mohlare wa mogo o khukhuša. Israele ka mehla e bile mohlare wa mogo.

⁷⁵ “Se mogokong o se šiilego, phatakalala e jelego,” go boletše Joele. “Se mogokong o se šiilego, bojane bo a ja. Gomme se bojane bo se šiilego, phatakalala e jele.” Gomme ge le ka hlokomela, yeo ke khunkhwane ya go swana. Ye nngwe le ye nngwe ya dikhunkhwane tšela tše di jelego go theoga mohlare, ke khunkhwane ya go swana, feela ka go legato la go fapana. Gomme sebe sa go swana le gosedumele seo se thomilego go ja Bajuda, gore, “Jesu o be a se Kriste,” seo se llego mohlare wola go kutu ya boopa. Gomme moperfeta o se bone, gomme o llile. Eupša Morena o rile, “Ke tla bušetša,’ o rialo Morena, ‘mengwaga yohle yeo mogokong, le tšie, le bojane bo jelego.”

⁷⁶ Gomme lekga la mathomo lebaka la mengwaga ye makgolo a masomepedi tlhano, Bajuda ba boela nagalegaeng ya bona. “Moloko wola o ka se fedišwe, o ka se fete, go fihla dilo tše tšohle di phethagaditšwe.” “‘Gona Ke tla tšollela ntle Moya wa Ka mo matšatšing a mafelelo,’ go boletše Modimo, ‘godimo ga barwa le barwedi ba Ka, gomme ba tla profeta. Gomme Ke tla bontšha matete.’”

⁷⁷ Balwetši ba a fodišwa, maatla a magolo a a dirwa, ka Moya wa go swana wo o dutšego le go kgona go botša Abraham gore Sarah o segile ka kamoreng ka morago ga Gagwe.

Ka gona re goeletša ntle, “Mohlapeši, di reng tša bošego?”

⁷⁸ Gomme o rile, “Bošego bo a tla.” Šetšang. Bošego, sa pele... Moso o etla, sa pele. Morago, bošego, gape.

⁷⁹ Feel a pele ga go hlaba ga letšatši, ka mehla go na le seetša se tee se segolo seo ka mehla se beilwego magodimong, gomme seo ke naledi ya moso. Ge o bona naledi ya moso e taga, tagitagi le tagitagi, gona lefase le ba leswiswana le go ba leswiswana.

Gomme lebaka go le tagitagi, ke ka lebaka la gore lefase le leswiswana.

⁸⁰ Gomme Kereke ya matšatši a a mafelelo, mmiletšwa ntle le Mmele wa go kgethiwa wa Kriste, o tshepišitšwe ke Beibele gore O tla ba fa Naledi ya Moso.

“Mohlapetši, di reng tša bošego? Go ya go direga eng?”

⁸¹ Še yona. Phedišomoka ya go felela e tla go lefase ka moka. Eupša pele ga ge phedišomoka yeo e direga, Kereke ya Jesu Kriste e tla ya ka go Tlhatlogo, go kopana le Morena wa Gagwe.

⁸² Naledi ya moso e dira eng? Ke eng e dirago dinaledi go phadima bjalo ka nako yeo? Ke go batamela ga letšatši. Naledi ya moso e bonagatša seetša sa letšatši. Dinaledi tše dingwe di bonala go fifala ka iri yeo.

⁸³ Dithutamodimo tša madirwakemotho tšohle, tšohle tša go tonya, dipapano tše fomale di tla omelela. Eupša mohlapetši yola a dutšego ka kua godimo ga tora, le Naledi ya Moso, o tla bonagatša Molaetša wa therešo wa Morena Jesu ka pela go batamela, gobane O tagatagi le go tagatagi, nako yohle, ge letšatši le thoma go hlabo.

⁸⁴ Oo, ke tla re, dinaledi tša moso, tsogang gomme le phadime go letago la Modimo, ka gobane go batamela ga leswiswi la bošegogare go godimo ga lefase, le leswiswi la kgotlompo godimo ga batho. Eupša moso o a tla, gomme dinaledi di swanetše go be di efa dietša tša tšona.

⁸⁵ Naganang ka iri yela ya go šiiša yeo e lebanego le lefase ka moka. Naganang ka go leutu lela la go šiiša leo le lebanego motho yo mongwe le yo mongwe a sa phološwago lehono. Ditšhaba tšohle, le dithaba tšohle, le dipolasa tšohle le dintlo tšohle tšeob ba itagafatšago ka go tšona, di tla dirwa lerole, go ba molora wa bolekhenko gape, ka nakwana, ka panya ya leihlo.

⁸⁶ Eupša bao ba ratago Morena, bao ba nago le Seetša sa Naledi ya Moso, gore ba bea—ba bea mahlo a bona godimo ga Gagwe, le go tloga go dilo tša lefase! Gomme bjalo ka ge Paulo a ngwadile go epistola ya gagwe, pele a be a ka tlogela lefase, o be a lapile, le go tšhoga, le go lapa. Oo, ke ikwa bjang bakeng sa Mojuda yola yo monnyane. Ge a rile, “A go se be le yo a ntshwenyago. Ke lwele ntwa ye botse, gomme ke feditše lebaka la ka. Ke bolokile tumelo. Gomme go tloga bjale go ya pele go na le mphaphahlogo wa toko woo Morena Moahlodi wa moloki a tla mphago mo letšatšing leo.” Ka gona a gopola ka dinaledi tša moso di etla, o rile, “E sego feela go nna, eupša go bohole ba ratago go bonagala ga Gagwe.” Oo, “Phagamišang dihlogo tša lena, topollo ya lena e batametše kgauswi.”

⁸⁷ “Mohlapetši, ke eng se dirago pampiri go bolela se? Ke eng e dirago saense go boifa go šutha? Ke eng e dirago Pentagon go tšhoga go tliša molaetša ntle?” Gobane batho ba tla ipolaya le

go fošetša tšhelete ya bona mekgotheng, le dilo. “Ke eng e tla . . . Bothata ke eng? Ke eng? Tša bošego di reng?”

⁸⁸ “Moso o a tla.” Yeo ke nnete. Go mabapi le eng? Ke go dira ga mosong, go tla, gomme go gatelela Seetša pele. Ke go dira leswiswi la kgotlombo go tla feela pele Seetša se eya go phadima.

⁸⁹ Ke thabile kudu go ba Mokriste. Ke thabile kudu gore ke nna mohlapetši wa Gagwe, yo mongwe wa bona, yo a emego godimo ga leboto, a goeletša ntle, “Lokišetšang go kopana le Modimo, ka gore iri ya go Tla ga Gagwe e batamela kgauswi.”

⁹⁰ Gomme lena, fa ka kerekeng ye mosong wo, ge go na le yo motee a sego phosithifi gore Naledi ya Moso e bonagatša Seetša sa Yona ka pelong ya gago, Moya wo Mokgethwa wo mogolo, a nke o lokiše seo. Ka gore go ne tiragalo e tee ye kgolokgolo yeo e kilego ya direga, e batametše gonabjale. Re eme mo morumong, re šeditše terama e bewa.

⁹¹ Makga a mantši ke bogetše dimobi, ka fao ka Hollywood le ka mafelong a go fapania, ba beago diterama tša bona. Le ka fao ba tšeago dinaletšana tša bona, le go ya pele ga bona, le go di lokiša tikologong. Le ka fao ba ba hlahlago le se sengwe le se sengwe pele terama ye kgolo e direga. Ka mehla ke maketše go e bogeleng, gomme ke tsebile e swanetše go ba ya bofora.

⁹² Dilo tšohle tša bofora di dirwa go tšwa go tša kgonthe. Go ka se kgone go ba tolara ya bofora go fihla go le ye tee ya kgonthe. Go ka se kgone go ba moikaketsi ntle le ge fao go le Mokriste wa nnete. Go ka se kgone go ba molaetša wa maaka ntle le ge go le o Motee wa thereso. Go ka se be le bošego ntle le ge go na le letšatši. Nnete!

⁹³ Gomme ge ke be ke ba bogetše ba Bea diterama tša bona, gomme ka gopola, “Oo, re eme kgole godimo ga tora, kgole ka godimo ga e ka ba eng ka lefaseng le, gomme re šeditše tše pedi tša dilo tše kgolokgolo; go kitima ga nako, le go Tla ga Morena.” Ka pela, “Nako e ka se sa ba gona gape.” “Go ka se sa ba le nako gape,” le go Tla ga Morena.

⁹⁴ Gomme molwalekriste, o na le balatedi ba gagwe ba dutše fale. O na le bokomonisi. O na le diism tša go fapania: o na le bokereki, o na le Bokatoliki, o na le Boprotestant. O na le se sengwe le se sengwe se beilwe, go dira pontšho ye kgolo.

⁹⁵ Eupsa ke thabile kudu gore go na le Tate ka Legodimong, Yo a nago le dibapadi tša Gagwe di beilwe, le yena, bakeng sa terama ye kgolo ye. Ge molwalekriste a ba tšeela ka go go hwa ga se sengwe le se sengwe, ebile le go nako, Modimo o komana ka go terama ya Gagwe go phagamišetša Kereke ya Gagwe ka go Bokagosafelego, ka go dikgao tša lethabo tša Kagosafelego, le Modimo Yenamong. Ge, mebele ye ya kgale ye mebe e tla fetolwa le go dirwa go swana le Mmele wa Gagwe mong wa letago, gomme go hwa mo go tla tše go se hwe, gomme re tla ema neng le neng ka go swaneng le Yena.

⁹⁶ Lebelelang! Lena ba le bogelago thelebišene, lena ba le theetšago seyalemoya, lena ba le balago dikuranta tša lena, lena ba le ratago go kwa ditaba gomme le makala se ke eng, theetšang segalontšu sa ka: "Moso o a tla, gomme bošego bo a tla le bjona." Moso o tlela bao ba loketšego moso, gomme bošego bo tlela bao ba sego ba lokela moso. A nke Modimo a lokiše dipelo tša rena lehono.

⁹⁷ "Gobane moso o tla hlabka Gosafelego go phadima le botse." Gomme bjalo ka ge moreti a rile, "Bahlaoawa ba Gagwe ba tla kgobokana magaeng a bona mošola wa lefaufau. Ge maina a bitšwa godimo kua, ke tla ba gona."

A re rapeleng.

⁹⁸ Ka go iri ye ya leswiswi godimo ga lefase, le tshenyego godimo ga seatla se sengwe le se sengwe, Morena Modimo, rena re... Re no se kgone go hlagiša ka fao re ikwelago, le ditebogo le tebogo ka pelong ya rena, gore Jesu Kriste o theogile go tšwa Letagong, gomme a dirwa monna boka rena, a dula magareng ga rena. Gomme ka gona ge A hwetše dibe tša rena, go tla go kgabola tsela ya Paradeisi, le go tše disoulo tše di letilego, a robile go kgabola maatla a mangwe le a mangwe a semoya ao diabolo a tlemilego lefase ka ona, gomme a dira mothalo, gore seetša sa letšatši sa mogau wa Modimo wa Gosafelego se kgone go phadima godimo ga bale ba ratago go se amogela.

⁹⁹ Modimo, efa lehono, gore batho mogohle ba tla itlhaganelo, ba itlhaganelo, ba tsena ka Mmušong, ka gore Molaetša ka mehla o bile wa tšhoganetšo. "Hlaganelang, hlaganelang, tšwelang ntle!" Morongwa o rile, ka Sodoma, "Ga ke kgone go dira selo go fihla le etla fano." Morena, efa, gore le ge Molaetša o tletše ka mogau, le maatla, le lerato, efela ke tšhoganetšo. Efa, Morena, gore batho ka pela ba tle gomme ba amogege Kriste le go tlatšwa ka Moya wo Mokgethwa. Ka gore Jesu o rile, "Bao e lego ba Modimo, ekwang Mantšu a Modimo." A nke ba tle gomme ba sokologe dibeng tša bona, ba kolobetšwe Leineng la Morena Jesu, bakeng sa tebalelo ya dibe tša bona, le go tlatšwa ka Moya wo Mokgethwa; go beakanya soulo ya bona ka leemong leo kereke ya mathomo e bego e le, go tla ba bjalo ge O etla.

¹⁰⁰ Re leboga kudu ka Molaetša, le go rapela gore O tla O šegofatša, Morena, go ya go tše botse tša dipelo tša rena, ge re letetše Wena. Leineng la Jesu re a rapela. Amene.

¹⁰¹ [Lefelo la go se be le selo godimo ga theipi. Mmapalapiano o thoma go bapala *Ge Ba Letša Dipele Tša Gauta*.—Mor.]

Ka o tee ka o tee re tla hwetše kgoro,
Kua go dula le go se hwe,
Ge ba leletša dipele tšeо tša gauta wena le nna.

¹⁰² A ga le no Mo rata? Bjale, molaetša o fedile, a re nong go Mo rapela ka mokgwa woo, ka Moya. Feela... O fa. A magolo, mantšu a go tia, eupša ke therešo. Ke bolela ona ka Leina la

Kriste. Go batamela ga letšatši. Ge o ntšeela . . . ke nyaka ye . . .
 [Ga go selo godimo ga theipi—Mor.]

. . . wena le nna.

A re nong go phagamišetša seatla sa rena godimo.

. . . le kwa . . .

A ga le kwe Barongwa ba opela?

Ke letago haleluya Megobo.

Ka go bjola bosebjä kgole go ya go ile,

Feela mošola wa noka ya go phadima,

Ge ba leletša dipele tšeō tša gauta wena . . .

¹⁰³ Ge a bapala yeo go kgabola gape, a re nong go šišinya diatla
 le yo mongwe kgauswi le wena! . . . ? . . .

. . . bose go ya go ile,

Feela mošola . . .

Ge . . . fihla feela lebopong lela ka tumelo . . .

¹⁰⁴ Nno bolelang seng sa lena, “Moeti, ke thakgetše kudu go ba
 le wena.”

. . . tee re hwetša kgoro,

Kua go dula le go se hwe,

Ge ba leletša dipele tšeō tša gauta wena le nna.

A ga le kwe dipele bjale di lla?

A ga le kwe Barongwa ba opela? (Ke eng?)

Ke letago haleluya Megobo.

Ka go bjola bose go ya go ile,

Feela mošola wa noka ya go phadima,

Ge ba leletša tšela . . .

¹⁰⁵ Seo se no tliša se sengwe kgopolong ya ka. Mosadimogatša
 wa ka, morago kua, o e elelwā gabotse. Ke bile le monyetla wa go
 etela kereke ya kgale ya Pisgah, setheo sa Beibele ka California.
 Ke bile le tirelo ya bošego bjo botee le bona. Yeo ke ya kgale,
 ntlo ya maatla ya setlogo. A lefelo la go makatša! Ke kopane le
 modiša, Ngwanešu Smith. O a tseba, ba ngwadile pampiri. Ba na
 le thušo. Ga ba tšee meneelo. Se sengwe le se sengwe ke mahala.
 Gomme ba bile gona lebaka la mengwaga ye masometlhano le
 metšo. E ile ya thongwa ke ngaka yo a bego a golofetše, go tla
 California bakeng sa thušo. Ngaka o rile, “Ga se gona o ka go se
 direlwā.”

Ke a dumela e bile yo a mohu Ngk. Price goba yo mongwe, yo
 a mo rapeletšego, godimo ka kamoreng mosong wo mongwe. Ga
 se a hwetša dipolo tše itšego, go bonagala, thwi nako yeo. Seo
 ga se re selo. Kafao, o thomile go ya ntle. O rile, “Ka mokgwa
 wo mongwe, wo mongwe, ke a dumela, go le bjalo.” Gomme ge
 a thomiša go tloša leoto la gagwe go tloga lephekong, leoto la
 gagwe la go golofala la otlologa. O hlomile Pisgah Home.

¹⁰⁶ Bošego bjo bongwe ke be ke le godimo kua, ke rera. Ba be
 ba pitlagane ka go otithoriamo yela ye kgolo, gomme makgolo

atiša ka makgolo ba eme gohlegohle mekgotheng le se sengwe le se sengwe, moo ba tsenego ka morago. Gomme ka morago ga ge Molaetša o fedile, se sengwe se diregile, dilo tše pedi tše o ke sego ka ke ka di hlatsela pele bophelong bja ka. Ba be ba sa no ba sehlopha sa batho bao ba ratago go dira lešata le lentši. Ba be ba se sehlopha sa batho bao ba dutšego, ba omile. Ba be ba le batho ba go tlala ka Moya. Gomme ke ipshinne ka kopanelo yela ye botsebotse. Gomme ge re be re . . .

¹⁰⁷ Feela pele ke be ke eya go rapelela balwetši, ba thomile go opela se sengwe se sebose boka seo. Gomme ke eme, gomme ke ile ka makala. Ke rile, “Go ne se sengwe se kgatlampanganago fa. Ga ke kwešiše.” Ke theeditše gape, gomme ke kwele dikhwaaere tše pedi. Ke rile, “Go swanetše go ba se sengwe sa phošc.” Gomme ke šikintše hlogo ya ka. Gomme, go ditsebe tša ka, gape. Ke rile, “O Morena, mohlomongwe go mmalewaneng go tšwa go khwaere ye fa.” Ke kwa ye nngwe godimo *fa*, godimodimo, mothaladi wa godimo kudu. Ke rile, “E swanetše go ba godimo kua.” Kafao ke sepeletše ntle ga lefelo la badiredi, godimo mo go lefelo la khwaere. E be e le godimo kua.

Gomme ke—ke rile go mosadimogatša wa ka, ke rile, “A o kwa seo, hani?”

O rile, “Ke eng seo?”

“Kgaetšedi Arganbright,” ke rile, “a o kwa seo?”

O rile, “Ee. Ke e kwele gatee pele, ka bophelong bja ka.”

Ke ile godimo go Ngwanešu Arganbright, “A o kwa seo?”

“Ee.”

¹⁰⁸ Yo mongwe le yo mongwe ka dihlogo tša bona di inamišitšwe, ba opela. “Oo,” ke rile, “mohlomongwe . . . Ke—ke nyaka go ba kgontha. Ga ke nyake go ba wa go sola, eupša, Morena, ge ke le hlatsa ya Gago, ge ke swanetše go ba mohlapetši, ke swanetše go tseba se ke bolelago ka sona. Ke swanetše go ba le nnete ya se.”

¹⁰⁹ Boka phodišo Kgethwa, ge ke se ne kgontha, ga ke ye go bolela selo ka yona. Ge ke se na le nnete ye ke go Tla ga Morena, nka se bolele selo ka yona. Ke swanetše go ba le nnete.

¹¹⁰ Ke ile morago tlase ka lefelong gape. Yo mongwe le yo mongwe ka dihlogo tša bona di inamišitšwe.

¹¹¹ Gomme pitšo ya aletara, batho ba bantši ba bea diatla tša bona go itshama ka lefastere, go tla go Kriste. Gomme ba be ba opela. Ge ke fihla tlase mo, ka re, “Morena, e ka se kgone go ba. Batho ba ba ba opelago tlase *fa* ba be ba no ba batho ba tlwaelo, eupša ba godimo *fa* ba be ba kwagala boka e be e le ba se kae . . . Mohlomongwe ba dikete tše pedi goba tše tharo ba opela, *fa*, eupša go be go lebega o ka re mohlomongwe e tla ba dikete tše lekgolo godimo *kua*.” Gomme e be e le lengwe la digalontšu tše bosebose, soprano ya kgontha ya godimo, boka digalontšu

tša basadi. Ke theeditše, gomme feelsa meroromelo e kitima gohle godimo ga ka.

¹¹² Ke gatetše morago gape motsotso feelsa. Ke theeditše. Ke sepeletše godimo, godimo. Ka tla morago, gobane ba nno tšwelapele go opela ka Moya. Ke theeditše gape. E be e se segalontšu *se*. Ke kgonne go ba kwa tlase *fa*, mohuta wo motee wa segalontšu; gomme se godimo *fa*, mohuta wo mongwe wa segalontšu.

¹¹³ Kafao ge tirelo e fedile, ke rile go modiša, “Modiša, ke kwele se sengwe sa go tlaba.”

O rile, “E be e le eng, Ngwanešu Branham?”

¹¹⁴ Ke rile, “Ke kwele so—so soprano ya digalontšu tša basadi, ka digalontšu tša go katišwa godimo, tša go ratega kudukudu nkilego ka di kwa bophelong bja ka, godimo *kua*.”

¹¹⁵ O rile, “Go ile gwa kwewa makga a mantši *fa*, Ngwanešu Branham.”

¹¹⁶ Ke badile ka mme wa kgale . . . Oo, ke lebetše leina la gagwe bjale, yo a bego a rapelela balwetši. Gomme bošego bjo bongwe ka morago ga ge modiša a tswaletše theroy a gagwe, mme yo monnyane o ile tlase go rapelela balwetši. O be a na le bana ba bahlano goba ba tshela go dikologa, le yena. Gomme a ema gomme a theeletsa. Gomme ke Mdi. Woodworth-Etter, ge eba bohole le kile la bala puku ya gagwe. Gomme o kwele, o rile, “Khwaere e opela ka godimo ga moopelo ka kerekeng.”

Ka morago ga ge digalontšu di tlogetše, tlase *fa*, Se sa opela godimo, le a bona. Gomme ke eme *kua*.

¹¹⁷ Gomme feelsa nako yeo, moragorago ka morago ga moago . . . Le bona ka fao go lego lenaneong, go phethagala? Bjale, ke—ke dumela go go boleleng ka maleme. Ke a dumela ke mpho ya Modimo, yeo e lego ka kerekeng. Ke a dumela go dirišitšwe bošaedi boka Mangwalo a mangwe a dirišitšwe bošaedi, eupša go ne la nnete. Ee. Gomme monna yo o phagametše godimo ka morago ga moago, moragorago, le go bolela e ka ba mantšu a mane goba a mahlano ka leleme le lengwe. E sego—e sego feelsa . . . E be e le se—se semmotwana. O be o kgora go kwa. Yo mongwe le yo mongwe o be a homotše.

¹¹⁸ Gomme Sengwe se sepeletše godimo ga ka, ga se nke ka ba le tlhathollo, bophelong bja ka. Gomme ga se ka e šomiša nako yeo, gobane ke be ke tšhogile. Dilo tšeou ke tša Modimo. Bokaonana o se di tlankeli.

¹¹⁹ Gomme Sengwe se rile go nna, “Modiša o tla rapela thapelo ya tumelo.” Ke ile ka swanela go swara molomo wa ka o tswaletše. Gomme ke letile. Gomme sese Se tla gape, lephoto le etla godimo, gomme se rile, “Modiša o tla rapela thapelo ya tumelo.”

¹²⁰ Ke naganne, "Morena, ga ke ne dimpho tša tlhathollo. Ya ka ke go rapelela balwetši, kafao ga ke ne dimpho tša tlhathollo." Gomme ke tswaletše molomo wa ka gape le go ema tse.

¹²¹ Gomme feelsa nako yeo modiša o emeletše le go thoma go rapelela balwetši. Oo, Yena ke Modimo! Bolwetši bo fodišitšwe, gohle godimo ga moago, mogohle. Ke eng? Go hlabo ga letšatši. Go na le lekala le lennyane le sa šetšego. O se tshwenyegē. Modimo ga se nke a ke a ba ntle le hlatse.

¹²² Go tshepa bjale gore sephiri se sengwe se segolo, felotsoko, mohlomongwe e sego ka go segalontšu sa Barongwa, eupša se sengwe se tla dumelela modiradibe yo mongwe le yo mongwe, ge go ka ba yo bjalo ka moagong wo, go tseba gore bošego bo ba leswiswana le leswiswana godimo ga lefase, le leswiswi la kgotlompo. Eupša go Tla ga Morena go batametše, ke eng e se dirago. Gomme bjalo ka mohlapeši wa lena, ke tla re, "Moso o etla." Itokišetšeng, dinaledi tša moso, phadimang!

¹²³ Ke ba bakae ba ka ratago go gopolwa ka thapelong ya go tswalela pele re eya? E no emiša seatla sa gago.

¹²⁴ Morategi Modimo, O bona batho ge ba phagamiša diatla tša bona. Gomme ba hlokofetše ka se. Bontši bja bale ba puruputšago dikuranta, ba purupuditše difilosofa, dipuku le diathekele tša dilo tša go fapana, eupša efela ga ba kgone go hwetša karabo. Eupša še e a tla, mosong wo, ka Beibeleng. "Moso o a tla, le bošego bo a tla le bjona." Gomme re a rapela, Modimo, gore O tla šegofatša motho yo mongwe le yo mongwe mo, yo a phagamišitšego diatla tša bona. Gomme O tseba se se lego ka morago ga seatla sela se phagamišitšwe. Gomme, Morena, ke dumela seo thwi moo ba dutšego bjale, gore Modimo motlalagohle o kgona go ba aroganyetša bohwa bja bona bja Moya wo ba o nyakago iring ye. Efa go yo mongwe le yo mongwe, Morena. Bakeng sa Lentšu la Gago le tlhologelo ya bona, le tshepišo Kgethwa ya Gago ye e ka se šitwego, a nke ba amogelete seo ba se phagamišetšego diatla tša bona, bjalo ka ge ke neela thapelo ye legatong la bona. Leineng la Morena Jesu, a nke ba e amogelete. Amene.

Modimo a be le lena.

¹²⁵ Bjale re no ba le nako ye nnyane go . . . Bjale re ya go rapelela balwetši. Ke thabile kudu go tseba gore go na le kholofelo go balwetši. "Ke nna Morena Yo a lebaletšego bokgopo bja gago bjohle, Yo a fodišitšego malwetši a gago ohle."

¹²⁶ Gomme nna, go no se tlwaelege bjalo ka ge go le, ke ile ka šuthišetšwa lebakana la go feta, go mme yo moswa a robetšego godimo ga leako le. Gomme ke mo—mo motšwasehlabelo wa bolwetši bja Hodgkin. Gomme ke a dumela ke mmagwe o dutšego fa le yena. Ke na le nnete gabotse. Ee, yeo ke nnete, gore mme yo o be a mpotša ka ngwana wa gagwe, gomme ke be ke leka go mo hlohleletša.

¹²⁷ Gomme feelsa pitšo, le yona, ka morago ga molaetša wo. Ke ikwela gore phološo ke selo sa pele. Phodišo ke ya bobedi. Phodišo e ka no tsea nako ya bofelo bja bophelo bja gago, mengwaga ye mentši. E ka no go fa lethabo le thabo ge o sa le mo lefaseng, eupša e tla goma le la gago...lehung la gago. Eupša soulo ye e phološwago, e na le Bophelo bjo Bosafelego. E ka se kgone go senyega, goba ga go selo se ka tsogego sa e tsea go tloga go wena. E ile ka go Dipuku tša Modimo, go tsošwa mo matšatšing a mafelelo. Selo se segolo ke selo sa pele, "Sa pele, Mmušo wa Modimo le toko ya Gagwe, dilo tše dingwe di tla oketšwa."

¹²⁸ Ke tla no rata go fa bopaki bjo botee bja phodišo ya bolwetsi bjo bja go šiiša bjoo mosadi yo moswa a tlaišegago ka bjona. Gomme go bile le nako ye nngwe ya go feta...Ba ka no be ba le gona mosong wo. Ga ke fa gantsi go tseba yo e lego mang. Bontsi bja lena ga ke le tsebe. Eupša go be go le mosetsana yo moswa mo ka sekolong sa rena se se phagamilego. Gomme o be a tlaišega ka bolwetsi bjo bja Hodgkin, gomme o ile a tšeelwa go ngaka, ka dikutu tše kgolo tše di phatlogela ntle godimo ga gagwe. Gomme ba tšere seripa sa sekutu gomme ba se romela kgole, go hwetša ntle gore e be e le eng. Gomme o boetše morago, "Bolwetsi bja go se fole bja Hodgkin."

¹²⁹ Gomme mme o be a sa nyake ngwana go tseba se e bego e le bothata bja gagwe. Gomme dingaka di eleditše mme go no mo lesa go ya sekolong, gobane o be a no ba le matšatši a mantši bokaalo go phela. Mafelelong e phulegetše pelong. Gomme bolwetsi bja Hodgkin ke kankere, re tseba seo, ka sebopego. Kafao ba rometše mo—mo mosetsana yo moswa morago sekolong, go mo tlogela a hwe.

¹³⁰ Mme o be a tlaletšwe. Gomme o nteleditše mo mogaleng, gomme o rile, "Ke nyaka go mo tliša. Eupša ke a kwešiša, Ngwanešu Branham, gore ka go methalo ya gago ya thapelo, nako ye ntši, o biletša malwetsi ntle ge o na le tšhušumetšo ya Moya." O rile, "A o ka ba botho kudu, ge Moya wo Mokgethwa o utolla e ka ba eng ka ngwana, go se se bolele?"

¹³¹ "Gabotse," ke rile, "Ga ke nagane O tla e utolla, ge A ka be a sa nyake e tsebje." Ke rile, "Ga ke nagane bjalo. Gomme ka tabarenekeleng ya ka mong fa, ga se gantsi ke be le mohuta wola wa dikopano." Ke rile, "Ke no rapelela balwetsi."

¹³² Gomme mohumagadi yo moswa a tla ka mothalong. Gomme ke botšišitše mme, "A o Mokriste?"

O rile, "Aowa."

Ke rile, "A mosetsana ke Mokriste?"

"Aowa."

¹³³ Ke rile, “Yeo ke tsela ye e šiišago go ya ka ntle ga lefase.” Gomme ke rile, “O ka se tsoge wa mmona gape, ge a eya ka go seemo seo.”

¹³⁴ Kafao ge mohumagadi yo moswa a tlide godimo ka kamoreng mosong wola . . . Gomme o fetile thwi kgauswi le lefelo le la go swana moo mosetsana yo moswa a rapeletšwego; kafao mosetsana yo o tla ba bjalo, mo metsotsong e se mekae. Ke ile ka mmotšiša. Ke be ke mo tseba. Gomme ke rile, “A o mohumagadi yo moswa go tšwa sekolong sa go phagama mo?”

O rile, “Ke nna yena.”

Ke rile, “A o lemoga bolwetši bja gago?”

¹³⁵ O rile, “Dingaka di mpotša gore ba nagana ke tla loka.”

¹³⁶ “Gabotse,” ke rile, “go ka reng ge o sa loke? A o Mokriste?”

O rile, “Aowa, mohlomphegi. Ga ke yena.”

Ke rile, “A o ka rata go ba Mokriste?”

O rile, “Ke tla rata.”

¹³⁷ Gomme ke rile, “A o ka neela pelo ya gago go Kriste?” Gomme o rile o tla dira. Gomme mmagwe a kitimela godimo gomme a re o tla dira le yena. Yeo, ke ba kolobeditše bobedi thwi fa ka mogobeng. Ke rapeletše mosetsana yo moswa.

¹³⁸ Gomme nako e ile pele. Gomme mafelelong mosetsana a thoma go ba kaonana, ka morago ga matšatši a se makae, o be a sa tsebe gore phošo e be e le eng. Gomme morago ga nthatana, ba mo tšere morago bakeng sa tlhahlofo, gomme ga se ba kgona go hwetša mohlala wa yona, le gatee. Fao go . . .

¹³⁹ Ga ke nyake go bolela dilo tše di kokomogilego ka batho, eupša ke rata go botega ka batho. Go na le monna ka toropongkgolo ye, yo a tsebjago gabotse, gomme ngwanešu yo mokaone wa Mokriste, goba o be a ka se be motikone wa kereke ye . . . Ke ra, mohlokamelaphahlo wa kereke. Gomme o gona bjale. Gomme o nno e tšea godimo ga gagwemong go boloka pego ya mosetsana yola. E bile mengwaga moragwana, mengwaga ye mebedi goba ye meraro moragwana, mohumagadi yo moswa o be a feditše sekolo sa gagwe gomme o be a sepela le mošemane.

¹⁴⁰ Gomme ke kopane le yena mo mokgotheng letšatši le lengwe, gomme o be a thabile kudu, gomme a hlatsela go letago le maatla a Jesu Kriste, ka morago ga ge ba mmoditše se e bego e le sona. Mosetsana o nyetšwe. O na le bana. Gomme o phela a thabile.

¹⁴¹ Gomme tatagwe o tla go lefelo le la kgwebo ya monna yo, go kera moriri wa gagwe. Gomme Mna. Egan mo, yo a—a bolokile go šalagomorago taba nako yohle. Gomme mosetsana o gabotse le go fola. Gomme e bile botelele gakaakang, Ngwanešu Egan? Mengwaga ye mmalwa ya go feta, a ga se? [Ngwanešu Egan o re, “Nne, tlhano, tshela mengwaga ya go feta.”—Mor.] Gomme

o a phela lehono, go bopaki gore Modimo o fodiša bolwetši bja Hodgkin.

¹⁴² Oo, ke mo gobotse kudu go tseba, gore ka diiring tša tlalelo, gore re na le botšhabelo. Botšhabelo bjoo ke Kriste.

¹⁴³ Ke nyaka go bega feela go . . . go lena ka moka, se sengwe se sennyane ka kopanong, seo se nnogo direga. Morena o be a lokile kudu ka go araba dithapelo tša lena tšohle, ge ke be ke eya Bodikela bakeng sa kopano feela bjale, dibeke di se kae tša go feta, dibeke tše pedi. Gomme ge re be re sa le ka Tulsa, ka khonferenseng, ke be ke swanetše go . . . ke be ke sa ye go bolela, gobane . . . ke be ke eya go ba le kopano fale. Eupša badiredi ba bile le ditsošeletšo tše dingwe di kgatlampana, kafao ga se ke kgone go ba le kopano ka nako yeo. Eupša ke fetile kgauswi, go topa Ngwanešu Arganbright, go mo iša California; mosadimogatša le nna, le Joseph yo monnyane.

¹⁴⁴ Gomme bošegong bjoo, ge re etla ka gare thari, ke kwešišitše gore Oral Roberts le Tommy Osborn ba be ba swanetše go rera bošegong bjoo. Kafao Ngwanešu Arganbright o leleditše ka dihoteleng go fihla a hweditše mo re bego re le, gomme o rile, “Etlang tlase kopanong.” Kafao o tlide godimo, yena le Ngwanešu Sonmore, Banna ba Kgwebo ba Bakriste, hlogo ya lefapa ka Minneapolis. Ba—ba tlide godimo go nna.

¹⁴⁵ Gomme ke ile ka gare, gomme ba be ba šetše ba na le matena, ka go—ka go lefelo la metšhene la Mayo, lefelo le legolo. Boradimilione ba dutšego ka fale. Gomme kafao le tseba ka fao ke tla ikwago go ya ka lefelong boka leo. Ebile ke be ke sa tsebe mokgwa wa go šomiše dithipa le diforoko ba bilego le tšona tafoleng. Eupša ke tsene.

¹⁴⁶ Gomme ge ke sa ile ka gare, Oral Roberts o be a rera. Gomme o be a rera ka bontši bja bophelo, bontši, le go botša Banna ba Kgwebo ba Bokriste, gore, “Jesu o swere dihlapi, a di bea ka gare ga malokwa, gomme ba bile le tše ntši go feta ka fao ba bego ba kgona—ba bego ba kgona go di šomiša.” Gomme Ngwanešu Roberts ke seboledi se maatla, bjalo ka ge le tseba. Gomme o rile, “Go na le bontši go yo mongwe le yo mongwe.” Gomme o rile, “Bjale, ke aga te—tempele godimo fa, ka kgonagalo e bitša dimilione tša ditolara.” O re, “O agilwe go tšwa mmabolong wo mošweu.” Gomme o rile, “Ke na le yona e ka ba seripa godimo, gomme ka felelwa ke tšelete.” Gomme o rile, “Nako yeo ke ile go kgabola mokgotha letšatši le lengwe, go e lebelela, gomme diabolo o rile, ‘O a tseba ke eng? Batho ba tla feta kgauswi gomme ba re, “Seo ke se Oral Roberts a se dirilego.”””

¹⁴⁷ O rile, “Gona ke rile go diabolo, ‘Eupša ba tla swanelo go re, ‘Oral Roberts o lekile.’”” Seo se lokile. Gomme o rile, “Gomme go ile gwa bewa pelong ya rapanka, fa ka toropongkgolo, yoo a ankadimilego go fetiša, go nyakile, dimilione tše pedi tša ditolara

go tšwa pankeng, go feleletša moago.” Dipanka ga di dire seo. Le tseba seo.

¹⁴⁸ Gomme o rile, “Rakgwebo yola yo mongwe, rapanka, o dutše o gona bjale.” O rile, “Ga ke nyake go bitša leina la gagwe, gobane gabotse ga se wa batho ba Ebangedi ya go tlala. Eupša,” o rile, “o fa.” Gomme o rile, “Ga—ga ke nagane ebole o tleleima go ba Mokriste. Eupša,” o rile, “se sengwe se huduile pelo ya gagwe, gomme o ntirile ke be le tšhelete.” O rile, “Ge a nyaka go emeleta,” o rile, “a ka kgona, eupša ga ke ye go leša monna dihlong.”

¹⁴⁹ Monna o emeletše, a re, “Ga ke lewe ke hlong, Mna. Roberts,” gomme a dula fase.

¹⁵⁰ Ka gona ke tsene, gomme ke be ke dutše fase. Ka gona Ngwanešu Roberts, ka pela ge a feditše, o tlide godimo le go šišinya diatla le nna, gomme a nkogogela godimo ka matsogong a gagwe. Gomme feelsa metsotso e se mekae, gona, nnete, bontši bja batho ba tla go dikologa, le a tseba, ba bolela ge re be re sa ja, le go nyaka dikopano le go ya pele, le badiredi.

¹⁵¹ Gomme ka gona Demos Shakarian o tsogile. Ke mopsresitente wa lekala la Banna ba Kgwebo ba Full Gospel. Gomme o emeletše gomme o rile, “Le a tseba, ke no ikwela go hlahlwa gore Ngwanešu Branham o swanetše go re rerela, bošegong bjo, molaetša wa mafelelo.”

¹⁵² Gabotse, ga se ke tsebe ke bolele eng. Gomme a thoma go bolela ka banna gona ba ba dutšego ka fa, o rile, “*Semangmang šo*. Ke kopane le yena lehono.” Ba mpoditše gore ke bona beng ba diploko tše tharo goba tše nne tše feletšego tše tša Miracle Mile’s. Boradimilione milione le banna ba dikgomo, le go ya pele, gomme nka kgona go bolela eng ka kopanong boka yeo?

¹⁵³ Eupša, le a tseba, ka mehla go kaonekaone go obamela. Kafao ke emeletše go bolela bokaonekaone bjo nka kgonago. Gomme mafelelong a tirelo... Yohle e tšwele lenaneong go fa pitšo ya aletara ka lefelong boka leo. Eupša, le a tseba, ke dirile dipitšo tša aletara ditirelong tša poloko. Kafao ke naganne, “Sese sebaka se sebotse.” Gomme ke—ke dirile pitšo ya aletara. Gomme banna bale bohole ba go huma le basadi ba tlide go Morena Jesu, gomme ba file dipelo tša bona go Morena.

¹⁵⁴ Ke ile ka tlabja ke radimilione yo mongwe, mosadimogatša wa radimilione milione ka kefa ye nnyane, ka mafofa a go botsefatša tlase go dikologa lehlakore, ka kgonagalo e moeturetše ditolara tše lekgolo. Gomme megokgo e kitima go theoga marama a gagwe. O ntshwere ka seatla, o rile, “Ngwanešu Branham, pelo ya ka e hiduegile.” O rile, “Ke naganne ke be ke le Mokriste, go fihla bjale.” O rile, “Ke nyaka go hlankela Morena.”

Gomme ke rile, “Ke a go leboga.”

¹⁵⁵ Gomme ka gona mo metsotsong e se mekae, Sengwe se rile go nna, “Rapelela balwetši bjale.”

¹⁵⁶ Ke naganne, “Oo, aowa. Nka se kgone go dira seo. Ke šetše ke tsenatsene... lefelo le legolo la metšhene. Kafao ge ke rapelela balwetši, ba tla nagana ka kgonthe ke lehlanya.” Kafao ke naganne, “Ka kgonthe Morena o be a ka se mpotše seo. Mohlomongwe ke no ba ke itiriša gohle ka lebaka la basokologi ba, kafao ke tla ngwegela godimo le go dula fase.”

¹⁵⁷ Gomme ke ile tlase go bapa le tafola ya sebolede, pele go theoga go fihla go ona mafelelo, le go dula fase le Ngwanešu Jack Moore, ke be ke dutše fale, ke bolela. Gomme ke bušeditše tirelo morago go mopresidente, Mna. Shakarian.

¹⁵⁸ Ka gona ge a—a emeletše, gomme o rile, “Le a tseba ke eng?” Oo, Modimo o swanetše go be a mo kgwathile legetla. O rile, “Ke ikwela go hlahlwa go ba le Ngwanešu Branham a bowa morago le go rapelela balwetši.”

Ke naganne, “Oo, feela gabotse tlwa.”

¹⁵⁹ Gomme ke emeletše le go ba botša. Gomme ke rile, “Ke ikwetše seo. Gomme ke a rapela Modimo ntshwarele. Eupša go kaone ge yo mongwe a kgwathilwe, le yena, le a tseba, go re dira gohlegohle go tsebeng ke modiro wa Moya.”

¹⁶⁰ Kafao ke rile, “Bjale, phodišo ye Kgethwa ga e kgwathe kota ya moeno. Ga e no ba se sengwe seo e lego kakanyo. Ke Modimo wa go swana yo a phološitšego batho ba bohole mo lebakana la go feta. Ke Modimo wa go swana yo a fodišago batho bohole ba lego mo, feela ka tumelo ye bonolo go Mo dumela.” Ke rile, “A le a e dumela?”

¹⁶¹ Gomme bjale go sephiri, go kereke ya ka. Bjalo ka ge le tseba, bodiredi bja ka bo a fetoga, gomme, oo, a phetogo ya letago! Oo! Lena bohole le elelwā Mantšu ao a bego a lla. Gomme nako ye nngwe le ye nngwe e direga, se sengwe se a direga, ge ke eya ka gare go bolela ka seo, e tla—e tla go nna, “E re go thaba ye.” Gobaneng e bile? E bile tumelo. Eng kapa eng ke ka tumelo. Tumelo ga se sengwe seo o šomago godimo. Tumelo ke se sengwe seo o nago le sona.

¹⁶² Gomme ka gopola, “Ge... Ka mehla ke be ke lewa ke dihlong ka tumelo ya ka, ke batho, gabotse go swana le ka fao Morena a bego a le ka gona.”

¹⁶³ O laeditše dilo, o boletše dipono. Se sengwe le se sengwe se be se phethagetše. Lena batho le tseba seo. Ga se motho ka motho. Ga se motho. Ke Modimo a e dirago.

Gomme seswantšho se *fa*, ka fao se ilego godimo ga lefase!

Bona ka Jeremane!

¹⁶⁴ Gomme mo dibekeng di se kae tša go feta, mohlomongwe basetsebje mo ga se ba ke ba e bona, ba swere ye nngwe. Ke na le

yonka gae. Ke sebopego sa Morena Jesu a eme thwi ka morago ga moo ke bego ke eme. Gomme diatla tša Gagwe di tšwele, le maleme a Mollo a fofa go tloga seatleng sa Gagwe, mola ke be ke bolela ka sehlogo, "E re go thaba ye, 'Šuthišwa,' gomme o se dikadike pelong ya gago, eupša dumela." Gomme re na nayo. E ka Techni-... mebala ya Kodachrome. Gomme ba na le yonka gae bjale. Gomme ba dira... E hlahlofilwe bjale ke saense, le go ya pele, le dilaboritori. E tla tšwa gabotse ka pela, le lengwe le tee, le le dirago e ka ba tshela ya tšona bjale mafelong a go fapan, ao a tšerwego.

¹⁶⁵ Ye ke ya go ikgetha kudu go tšona tšohle, ga se nke ka bona. Maledu a Gagwe—a Gagwe šeale, sefahlego sa Gagwe, sebopego sa Gagwe, matsogo a Gagwe a lekeletše ntle. Gomme ke be ke eme thwi ka gare ka mokgwa *wo*, le moo A nago le matsogo a Gagwe, ebole ga o kgone go bona lefelo la ka, ka mokgwa *woo*; hlogo ya ka, nako yeo maoto a ka fase lebatong, feela hlogo le maoto, ke sohle se bego se šetše. Le a bona? Gomme O—gomme O eme ka matsogo a Gagwe ntle ka mokgwa *wo*. Gomme ke beile diatla tša ka ntle ka mokgwa *wo*, ke rera, ke re, "E re go thaba ye." Gomme e ka ba ka nako yeo, se sengwe se diregile. [Ngwaněšu Branham o thwantšha menwana ya gagwe—Mor.] Gomme ba nepile seswantšho sa Yona ka mokgwa *woo*. Gomme šele E be e le, morago, mebala yohle. Gomme ye kgolo, bjalo ka ge Modimo a beakanya, seroto se segolo sa dilili tša khala di eme kgauswi.

¹⁶⁶ Ke Yena Lili ya Moeding. Gomme o hwetša opiumo kae? Go tšwa go dilili. Yeo ke nnete. Opiumo ye Modimo a nago le yona ke eng? Khutšo. Opiumo e no go dira gore o lebale tšohle ka mathata a gago. Bakgogi ba opiumo, ke ka fao ba ipolayago bonabeng ka opiumo yela. Modimo o na le Opiumo. Amene. O nolofatša bohloko bjo bongwe le bjo bongwe, o fodiša malwetši ohle, o tloša matshwenyego a mangwe le a mangwe. Ge feela re hemela ka go Opiumo ya Gagwe, re mo khutšong.

¹⁶⁷ Gomme seroto se segolo sa dilili se dutše thwi ka pele, moo ke bego ke bolela, mo sefaleng.

¹⁶⁸ Gomme ke rapeletše balwetši, fale ka Tulsa, gomme ke nno sepelela tlase le go ya ntle. Gomme e ka ba metsotso ye lesome moragwana...

¹⁶⁹ Nka se nyake go bitša leina la moebangedi. Eupša mosadi yo a bego a na le athiraithisi ya mongetsana, yo a bego a šomela moebangedi yo, o be a le mongotlofatši. Gomme o be a swanetše go tlanya ka mokgwa *wo*, ka gore matsogo a gagwe le magetla di be di tlemilwe. O be a tlanya ka mokgwa *woo*. Gomme moebangedi yo mogolo le go tsebalega yo—yo fale ka Tulsa, o bile le yena a thwetšwe mošomong wa gagwe, go mo fa mošomo.

¹⁷⁰ Gomme a thoma go sepela go theoga holo. Gomme ka bjakobjako matsogo a gagwe a tlemologa, gomme o thoma go

taboga le go goelela, go fihla a gogile šedi ya yo mongwe le yo mongwe godimo kua. Gomme mosadi yola wa morategi o wele ka matolo a gagwe, le go phagamiša diatla tša gagwe le go di phaphatha ka mokgwa *woo*. [Ngwanešu Branham o phaphatha diatla tša gagwe—Mor.] Letago la Modimo, gobane Modimo o mo lokolotše, feela dinakwana di se kae ka morago ga thapelo.

¹⁷¹ Gomme ke ngwegetše ka gare, go theetša le go bona se a bego a se bolela. O rile, “Ke be ke no sepela go theoga holo.”

Gomme ke rile, “Gabotse, a go lebogwe Modimo.”

¹⁷² Gomme ke retologile go dikologa, ka thoma go sepela ka tsela ye nngwe. Gomme ke kwele, tlasetlase kua, ke bone badiradibe bohole ba kitima mmogo, go bona se e bego e le taba. Gomme mo go be go le monna a tšea lebato, Ngwanešu Gardner, yena monna yo a mphilego sutu ye.

¹⁷³ Bontši bja lena le tseba Ngwanešu Gardner. Ngwanešu Gardner, ka Binghamton, New York, mogwebi wa go ikgetha wa Difatanaga tša kgale wa mengwaga ye meraro ya go feta, o rekišitše Difatanaga tša kgale go feta monna e ka ba ofe yo mongwe ka United States. Gomme o fofa ka sefofane e sego sa bathobohle. Gomme gannyane godimo ngwaga wa go feta... Leina la gagwe ke George Gardner. Gomme o...

¹⁷⁴ Mofofiši wa gagwe, ka boyena, o be a le noši, gomme o wele, le sefofane. Gomme o gobaditše matolo a gagwe, dikokoilane tša gagwe. Gomme maoto a gagwe le dinao a be a thatafetše, gomme o be a sepela ka mokgwa *wo*, mofofiši wa gagwe.

¹⁷⁵ Gomme o be a le gona ge thapelo e dirilwe, gomme o be a itlošitše ka boyena go tšwa holong fao moletlwana o bego o le gona. Gomme ba be ba mo file kamora kgauswi, le yena, gore a se be le bothata go sepelela morago le pele. Gomme bopaki bja gagwe šebo. O be a ile kamoreng ya gagwe le go dula fase; ebole a se Mokriste. Gomme o rile, “Ka mokgwa wo mongwe wo mongwe, ke dumela moisa yola yo monnyane wa hlogo ya lefatla yoo a rerilego godimo fale bošegong bjo.” Gomme o rile o thomile go lemoga menwana ya gagwe e thoma go šikinyega. Gomme o tabogetše maotong a gagwe, bohlale bjo bongwe le bjo bongwe bo fedile.

¹⁷⁶ A eme ntle kua, a tagafatša Modimo, a eme, a phagamišetša maoto a gagwe godimo le fase ka mokgwa *woo*, le ka mahlakoreng a dinao tša gagwe le se sengwe le se sengwe, go no paka go letago la Modimo.

¹⁷⁷ Gapegape, pele re rapelela balwetši. Ke be ke dula le Ngwanešu Arganbright. Gomme mogwera wa ka yo mokaone, Leo le Gene, ba tseba se dipitšo tša mogala e lego. O bobola mogala, gomme Ngwanešu Arganbright o tla araba. Gomme, le a tseba, o ka se kgone go ba mogohle. Eupša, go diragetše go beng, gore ke topile mogala.

¹⁷⁸ Ke dumela se sengwe le se sengwe se šoma ka tsela ya go fiwa ke Modimo. A ga le dumele? Ke a dumela ke ka baka leo mohumagadi yo moswa a lego mo. Ke a dumela ke ka baka leo lena bohole le lego mo. Ke a dumela ke ka baka leo ke lego mo, gore re kopane mmogo bakeng sa letago la Modimo, bakeng sa lebaka tsoko. Gobaneng re tlie godimo ga mabala a aese, go ba fa mosong wo?

¹⁷⁹ Kafao ke topetše mogala godimo, gobane Ngwanešu Arganbright o be a se ka kamoreng. Gomme o rile, “Ke rata go bolela le Ngwanešu Branham.”

Ke rile, “Ke nna Ngwanešu Branham.”

¹⁸⁰ O be a le monna wa Spanish. O rile, “Mohlomphegi, ke a tseba ga go kwešišege, go nyakile, go nna go botšiša potšišo ye ke yago go e botšiša.” O rile, “Ke kgona go eleletša ka fao batho ba gogago, le go ya pele. Eupša,” o rile, “Ke nna moromiwa ka Mexico.” Gomme o rile, “Morago godimo fa, ke phela fa ka La Crescenta. Gomme ke no ithuta, diiri di se kae tša go feta, gore o be o le ka toropongkgolo.” Gomme o rile, “Ke tlišitše lesea la ka morago, go leka go le tliša go wena goba Ngwanešu Roberts, goba ba bangwe ba baena bao ba rapeelago balwetši.” Gomme o rile, “Go beng ke lesea la ka, tumelo ya ka, ke a thanka, e sa no ba go fokola gannyane.” O rile, “Lesea la ka le bjale ga se la be la ba dikgwedi tše nne bogolo gomme le hwa ka kankere.”

Gomme Sengwe se rile go nna, “Eya go lesea lela.”

¹⁸¹ “Gabotse,” ke rile, “mohlomphegi, ke tla hwetša Ngwanešu Arganbright, gomme o mmotše moo lesea le lego gona, ke tla kopana le wena.” Kafao o hwetša . . . ke hwetša Ngwanešu Arganbright, gomme o a mmotša.

¹⁸² Kafao re tsene ka koloing le go ya tlase. Gomme ke kopane le mosadimogatša wa gagwe yo monnyane. Gomme yena e le Momexican, le ge a be a sa se lebelele. O be a le letlalo le lešweu, botse, eupša o be a le Momexican. E lego, Mamexican, nako ye ntši, boholgopudutšwana, gobane ba tla magareng ga Spanish le Maindia. Gomme go ne ba bangwe ba Maindia feela ka hlogopudutšwana, bošweuleswele. Gomme mosadimogatša wa gagwe o be a le Mofinnish, hlogopudutšwana go felela, mosadi yo monnyane yo mobose kudu.

¹⁸³ Gomme ke ile sepelele le yena, go bona lesea la gagwe. Ge ke sepeletše ka kamoreng, ba bile le lona thwi kgauswi le motsemošate wa baoki. Ka gore, lesea le lennyane, efela feela dikgwedi tše nne bogolo, gomme le belegwe ka dikutu tša go phera ka mehlagareng, yeo e rurugilego go lekana bokgole *bjoo* go tloga sefahlegong sa lona, ka mokgwa *woo*, feela ntle ka mokgwa *woo*. Gomme dingaka di lekile go kara. Gomme mabadi a magolo a go teba a be a segile gohle go dikologa mogolo wa gagwe wo monnyane, tsela yohle go dikologa. Ga se e e emiše; feela a e kitimišeditše godimo ka lelemeng la lona. Gomme

mehlagare ye mennyan e lekeletše ka mokgwa *woo*, le mabadi a magolo a go teba. Gomme leleme la lona le lennyane... Molomo wo monnyane o sego godimo ga bogolo *bjoo*. Gomme leleme la gagwe, ka kgonagalo bogolo *bjoo*, le bego le rurugile, le be le kgoromeleditše ntle e ka ba bokgole *bjoo*, gomme le fetogile boso. Gomme le tswaletše go hema go tšwa dinkong go theoga, ge le rurugile ka magalagapeng a legano la lona. Gomme ka nnete, le ripile mohemo wa lona, go tloga *fa*. Ba ile ba swanela go sega lešoba mogolong wa lona. Gomme le be le na le nakana ye nnyane ya... bjalo ka tshipi ya nkogoko ye nnyane mo mogolong wa lona. Gomme matsogo a lona a mannyane a be a le ka go dithuši, ka mokgwa *wo*, gore le se kgone go fihlelala go gogela nakana yela ntle; le tla kgangwa. Gomme kankere, e goga, gomme mooki o be a swanetše go ema fao ka se sengwe go goga ditšila tša kankere go tšwa go nakana, goba e tla le kgama go hwa.

¹⁸⁴ Gomme tate o sepetše go dikologa go ya thoko ga mpete, gomme a re, “Ricky, mošemane yo monnyane wa papa!” O rile, “Papa o tlišitše Ngwanešu Branham go go rapelela, Ricky.”

¹⁸⁵ Ge a rile, “Mošemane yo monnyane wa papa,” moyo wa ka o nno ntlogela. Ke be nka se kgone go e kgotlelala botelele bjo bo itšego. Ke ile ka no swanela go swarelala lehlakoreng la mpete. “Mošemane yo monnyane wa papa.” Gomme moisa yo monnyane, go le bjalo o moswa ka mo a bego a le, o tsebile e be e le papagwe. Gomme a thoma go tswinya ka mokgwa *woo*, le matsogo a gagwe a mannyane ka mokgwa *woo*. Gomme yena a leka go phaphatha moisa yo monnyane godimo ga hlogo. Lesea le lennyane la go šokiša, le tswetšwe ka seemong selā. Ke be ke no se kgone go bolela. Ke no... Le a tseba, o no tlala kudu, o no se kgone go bolela selo.

¹⁸⁶ Ke lebeletše fase, ka bona tšona diatla tše nnyane tša nthatana ntle go tšwa ka tlase ga dithuši tše kgolo tšela. [Ngwanešu Branham o dira modumo wa go tswinya—Mor.] Le go dira lešata la go tswinya. Gomme ke naganne, “A seo ga se bohloko!”

¹⁸⁷ Gomme ka morago ga ge ke bile mokgwa wa go ya go dikologa nnamong, go lekanela go nagana se sengwe, ke naganne, “Jesu, a O ra gore O hwetša boipshino go tšwa go boneng seo? Nka se kgone go e dumela. Ke no se kgone go dumela gore O hwetša letago go tšwa go lesea le lennyane lela le tlaišega ka mokgwa *woo*. E ka se no ba. Ge go ntira, modiradibe, go ikwela o ka re ke dira go lesea lela, e tla dira eng go Wena, mothopo wa kgaogelo yohle? E swanetše go dira eng go Wena?” Gomme ke be ke se ka bolela mantšu bjale.

¹⁸⁸ O be a leka go bapala le lona, go le dira gore le homole. Gomme mmele wa lona wo monnyane le apere leleiri le lennyane, feela e ka ba... Mmele wo monnyane, le tšohle, e sego godimo ga bogolo *bjoo*. Gomme hlogo ya lona e be e le karolo ye kgolokgolo,

mohlagare wa gagwe o rurugile ntle ka bogolo kudu. Gomme ba be ba na le se sengwe go dikologa hlogo ya lona, go thibela hlogo ye nnyane ya lona gore e se bulege. Le a tseba, lešela; mehlagare ya gagwe e be e rurugile kudu, ntle ka mokgwa *woo*, go e thibela gore e se thunye. Gomme mooki o be a eme fao.

¹⁸⁹ Gomme ke lebeletše tlase go moisa yo monnyane, gomme ka nagana, “Morena, O be o tla dira eng ge O ka be o eme mo?”

¹⁹⁰ Bjale, ke a lemoga gore ke ka phuluphithing. Gomme ke a lemoga gore Modimo o gona. Eupša go bonagetše go nna gore Sengwe se boletše tlase ka soulong ya ka, gomme se rile, “Ke letile go bona se o yago go se dira ka yona. Ke file maatlataolo a Ka go Kereke.” Fao o tla morago gape go, “E re go thaba ye.” “Ke file maatlataolo a Ka go Kereke, gomme Ke letile go bona se o yago go se dira.”

¹⁹¹ Ke a makala ge eba *woo* ke mokgwatebelelo wa Gagwe go rena nako yohle, gore O letile go bona se re yago go se dira. Go reng ka maswao a nako re bego re no rera ka yona? O be A tla dira eng? O letile go bona se re tlago go se dira.

¹⁹² Gabotse, ke bile le seatla sa lona se sennyane sa lesea ka go sa ka, feela ka go menwana ya ka, ka mokgwa *woo*. E be e le se sennyane kudu. Gomme ke rile, “Morena, ekwa thapelo ya mohlanka wa Gago. Gomme ka tumelo, gore ke a dumela gore O gona, Ke bea gare ga letimone le la kankere le bophelo bja lesea, Madi a Jesu Kriste. Gare ga mmolai le lesea, Madi, ka tumelo ke bea ao.” Gomme ga se ke kgone go bolela selo gape.

¹⁹³ Ke nno retologa go dikologa gomme ka thoma go sepelela ntle. Tate o ile a ntatela. A re, “Ngwanešu Branham, Morena o bea godimo ga pelo ya ka go go fa karolo ya lesome.”

¹⁹⁴ “Oo,” ke rile, “ngwanešu, o se nagane ka seo. Aowa.” Ke rile, “Ga ke hloke tšhelete, ngwanešu.”

¹⁹⁵ O rile, “Eupša ke bolokile dikarolo tsoko.” Oo, tšhelete ye nnyane, ke a lebala bjale feela tlwa, ke dumela e ka ba ditolara tše masometlhano. O rile, “Morena o e beile pelong ya ka go go fa yona.”

¹⁹⁶ Ke rile, “Ke tla go botša ke eng. Ke tla e amogela, gomme ka gona o e bušetše morago le go e fa Ricky yo monnyane godimo kua, godimo ga ya gagwe—godimo ga pili ya gagwe ya sepetlele. Ka gore, o moreri. Ke tseba se e lego sona, seo tšhelete e se rago. Gomme wena, moromiwa, gomme ke a tseba gore go tšeа tšhelete. Gomme o na le lapa, le tšohle tše dipili tša ngaka. E bee thwi morago go pili ya Ricky yo monnyane.”

¹⁹⁷ O rile, “Ga ke nyake go dira seo, Ngwanešu Branham. Ga se ya go lefa dingaka. Ke ya go lefa badiredi.”

¹⁹⁸ Gomme ke rile, “Ee, eupša ke e bušetše morago go wena.” Gomme ke e ganne.

¹⁹⁹ Gomme ke ile godimo ntlong, gomme ka go lebaka la diiri di se kae, yona mehlagare e ile tlase, gomme leleme la gagwe le boetše morago ka go lefelo la lona la go itekanelia. Modimo o fodišitše moisa yo monnyane. Ba be ba tloša nakana mosong wo ke tlogilego, go tšwa mogolong wa lona.

²⁰⁰ E makaditše Lebopo ka moka la Bodikela. Ngaka ya go tuma o rometše morwa wa gagwe, ka setlogolo sa gagwe. Gomme ba ripa tsela, godimo mošola, dimaele tše masomenne goba masometlhano godimo, ka Pasadena, le go ripa tsela mo ke bego ke eya go feta, go rapelela lesea lela le bilego le methakgaselo ka bjokong. Ba be ba le file go tšhwana ya phenisilini, gomme e dirile kankere go tšwa go khuetsø ya tšhwana ya phenisilini nokeng ya lona. Gomme ke na le nnete gore Morena o le fodišitše.

²⁰¹ Feela pele ke tloga ntlong, mogala wa lla, wa tšwelapele o lla. Ngwanešu Arganbright, ke mo kwele a phegišana le yo mongwe, o rile, “Aowa, nka se dire seo.”

²⁰² Feela ge ke be ke tsena ka koloing, go bile le se—se setešenewakone se sennyane se rotogilego. E be e le mang eupša ngwanešu yo monnyane wa Momexican le mosadimogatša wa gagwe! Bobedi bja bona ba no lla le go tumiša Modimo. O rile, “Ngwanešu Branham, ke tlišitše dikarolo tše go wena.”

²⁰³ “Oo,” ke rile, “ngwanešu, nka se kgone go amogela seo.” Ke rile, “Ke no se kgone go e dira.”

O rile, “Eupša ke di tlišitše go wena.”

Ke rile, ke rile, “Ke go boditše go di bea godimo ga pili ya Ricky.”

²⁰⁴ O rile, “Mosong wo, ge ke ile go fa ngaka karolo ye, go ya go pili ya Ricky, ngaka o rile, ‘Ga o nkolote selo.’ O rile, ‘Ke be ke se ne selo go dira le seo.’ O rile, ‘Yeo ke tiromatlabi ye kgolo.’ O rile, ‘Nna . . . Ga o nkolote peni e tee.’” Kafao o rile, “Tšeа ye, Ngwanešu Branham. Morena o mpoditše o be o swanetše go e tšeа.”

²⁰⁵ Ke naganne, “Oo, nka se kgone.” Ke rile, “Morena, ga ke ikwele go e dira.”

²⁰⁶ Nako yeo se sengwe sa tla go nna. Jesu a eme letšatši le lengwe, a bogetše banna ba bahumi ba lokela ka gare tšelete ya bona ye kgolo kudu. Oo, ba bile le bontši, kafao ba be ba efa bontši. Gomme mohlologadi yo monnyane o tlide kgauswi ka dipeni tše tharo, gomme e be e le sohle a bilego le sona. Ke tšohle tša boiphedišo a bilego le tšona, gomme o ile a di lahlela ka gare. Bjale re be re tla dira eng? “Oo, kgaetšedi, o se ke wa dira seo. Huh-uh. O a tseba, ga re hloke seo. O se lahlele seo ka gare. Tšeо ke tšohle tša boiphedišo bja gago.” Eupša Jesu o nno mo lesa a ye pele le go e dira, gobane, “Go šegofaditšwe kudu go fa go feta go amogela.”

²⁰⁷ Ke na le dikarolo tše nnyane. Ga ke tsebe gore nka dira eng ka tšona. Ke tla di bea felotsoko, ka go mošomo tsoko bakeng sa letago la Modimo, felotsoko bokaonekaone nka kgonago.

²⁰⁸ Ke eng? Ke Letago la Modimo. Ke Maatla a Modimo. Meriti e a wa; Kriste o a tšwelela, ke ka baka leo maswao le dimaka di tšwelelago. Ke Seetša se segolo sela sa Morwa se bonagala go tšwa dinaleding tša moso, ka phodišo diphegong tša Gagwe. Gomme ge A ka tliša phodišo go tšwa go ponagatšo ya Bogona bja Gagwe, O tla dira eng ge A etla ka Boyena? Mebele ye ya go senyega ya rena e tla fetolwa le go dirwa go swana le Mmele wa Gagwe Mong wa letago. E tla ba eng ge A etla? Go fihla A etla, re leboga kudu ka Seetša sa Morwa sa Bogona bja Gagwe, bjalo ka ge dinaledi tša moso di namela maboto a Letago, le go dula fale go dumediša go Tla ga Gagwe mo iring ye ya leswiswi.

A re rapeleng.

²⁰⁹ O Morena, re no Go rata kudu bjalo go fihla, Morena, ga go na go bolela botelele gakaakang....Ga re tsoge ra lapa ka go paka ka ditumišo tša Gago. Eupša iri e mo bjale, fao go batho ba go babja ba letile. Wena o tseba mabopaki a. A, bokgole bjo ke tsebago, Morena, therešo tlwa. Ka mofofiši a eme ntle kua, a laetša ka fao a bego a kgonaga go ema ka maoto a gagwe, le maemo ohle ao mmele wa gagwe o bego o le wona; gomme o gogetše leoto la borokgo bja gagwe godimo gomme o bontšitše matolo le maoto a gagwe ohle a gobetše le go ba le mabadi, moo dingaka di bego di leka go bea marapo morago mmogo. O bone mosadi a eme fale ka pente godimo ga sefahlego sa gagwe, gomme e gogolwa fase ka megokgo ya tlhalalo, bjalo ka ge a boletše ka seemo sa gagwe sa athiraithise o fodisitšwe ke Maatla a Gago. Le ka lesea lela le lennyane la morategi, le bopaki bja tate le bona ba bego ba le gona.

²¹⁰ Bjale, Morena, O no ba yo mogolo fa mosong wo, fa ka tabarenekeleng, bjalo ka ge O le e ka ba kae ka lefaseng. Gomme O tshepišitše gore moo re tla kopanago mmogo, gore O tla ba magareng ga rena. Bjale re tla bitša balwetši bao O ba rometšego go rena mosong wo. Gomme re tla ba rapelela, gomme re tla rapela ka dipelo tšohle tša rena, thapelo ya tumelo. Gomme a nke O phološe balwetši le go ba tsošetša godimo. Gomme ge eba ba dirile dibe, ba lebalele, Tate, ge re ipolela diphošo tša rena seng, le go rapelelana seng. Gomme O rile, “Ye maatla, ya boikgafo thapelo ya monna wa moloki e thuša kudu.”

²¹¹ Re tseba ka yo motee a robetšego fa le rena mosong wo, feela mme yo moswa le bana ba bannyane ba. Morena, go ya ka dingaka, o kgaušwi le bofelo bja leeto la gagwe. Eupša re a rapela, Modimo, gore O tla ema gare ga gagwe le lenaba lela. Gomme ge re mo tlotša le go mo rapelela, a nke Maatla a Gago a kgwathe soulo yela ya gagwe. Ao a tla tlišago tumelo le tokologo.

Gomme a nke a ye gae le go fola, le go fa tumišo, le go ba po—po ponagatšo ya Naledi ya Moso, go letago la Modimo. Amene.

²¹² Ngwanešu Mercier, bjale, ge re tšeа batho ba ka dipeelano, batho ba etla. Re tla no bitša nomoro ye. Gomme ba bewa mo lenaneong la bao ba yago go rapelelwa.



MOHLAPETŠI, DI RENG TŠA BOŠEGO? NST58-1130
(Watchman, What Of The Night?)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Nofemere 30, 1958, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org